

KE UTLWILE EMPA

JWALE KE A BONA

 Le ka dula. Ho hotle ho kgutla hape bosiung bona. Ke thabo ha re boetse re fumane monyetla wona jwale ho sebeletsa Morena. Mme ka mora ho le tshwarella hakana bosiu bo fetileng, ke ikutlwa nke ke ka tshepahala ho boela ke le tshwarella halelele bosiung bona.

² Feela morao mono ke ne ke mametse molekane e leng moena wa rona, Moreneng, ya sa tswa tloha Indiana, a fuduhuwe ke toro e makatsang. Ha eso fihle Shreveport pele, bophelong ba hae. Empa a lora, bosiu bo bong, a fihla Shreveport, e se ka koloi ya hae. Mme a tla le... kapa ho fihla kae-kae, kerekeng eo ke neng ke bua ho yona. A re, hoba ke rere mme ke rapelle batho, ho re, “Ntho e nngwe e tla etsahala.” Ho re, o “ile a kgutla tsatsi le latelang.” Mme a re, a “tseba mohaho, kamoo o nong o shebahala kateng.” Ho re, “Ho na le—ho ena le odotoriamo ya siviki ka nqane ho seterata, empa ha ba ka ba kena odotoriamong.” Ho re, “E ne e le ka lehlakoreng lena, ka hara mohaho wa majwe o nang le lephyeo ho wona, mme mohaho o eme tjena feela.” Mme e—e moshanyana eo ke molori, ke bone ditoro tsa hae le ho tseba hobane ke tsa nnete.

³ Mme a re—mme a re, “Yaba bosiung ba ho qetela” ke ne “ke bua mme ke rapella bakudi.” Mme ka re, “Ntho e nngwe e mothating wa ho etsahala.” Mme ya ka ho phaila ha seaduma.” Le ho re, “Batho ba qalella ho nyamela, be,” ho re “Sa utlwahatsa kodu, le ho qalella ho bua.” Ho re, “Puo eo e ne e tswela pele, hore hara mahlabaphefo (difesetere hodimo mona) ha hlaha Kganya ya Morena, e kena, ka sebopheho sa Topallo ya Mollo.” Ha a eso E bone. O utlwile re bua ka Yona, empa ha eso E bone ka boyena. Le ho re, “Ke eo moo E ne e le teng, e kena ka difesetere hodimo jwalo, le ho bopa Lesedi leo le kang leo le le bonang setshwantshong, hantle hodima mokgupi mona.” Le ho re, “Le ne le rora ho hong.” Le ho re, ka “ema, le ho re, ‘Ke Jehova Modimo eo.’”

⁴ Le ho re o “ile a hopotswa (ha a E nahana) mohla Moshe a bitsang... a ntshang batho Egepeta. Mme ba re, ‘Ho mpe ho bue Moshe, mme e sang Modimo, esere mohlolomong ra shwa.’”

⁵ A re, “Motho mang le mang o na a rapaletse mokatong, matsoho a bona a phahame, a howeletsa.” Ho re o “ne a howeletsa, le yena, ‘Morena Modimo, ke a O rata! Ke a O rata!’” Mme mosadi wa hae a mo sisinya mme a mo tsosa.

⁶ Ho mmona a theoha ka mola wa ditulo hona jwale, Moena Jackson, moreri wa mehleng wa Methodise. Mme o ne a kgathatsehile hona, a ba a theoha; mme a re eitse ha a kena, o “ne a hloletswe hona,” hantle feela kamoo a e boneng torong. Ha ke tsebe seo e se bolelang. Morena o mpatetse yona. Empa ntho e ka tshoha e hlaha, haele moo Moena Jackson a lorile hoo, ka ho mo tseba e le monna ya tshepehang, wa sebele—sebele, mohlanka wa Modimo.

⁷ Mme ke—ke mo tsebile a lora ditoro, a tla ho nna, mme Morena a mpha kwahollo, mme ho be jwalo hantle. Esita le, ka nako e nngwe, ho ya ha ka Arizona, o ne a e lorile.

⁸ Mme o kgathatsehile haholo. O na le mosadi wa hae, o tlide le yena. E se e tla ba mme hang-hang, mme mokgwa o le mong a na a ka tsamaya e le ka sefofane. O ne a se na le peni ya ho tla, mme motho e mong a mo fa tjhelete. Mme ka hona e batla e sebeditse ka tsela e mohlolo, ka hona ntho e nngwe e ka etsahala; re tshepa jwalo. Ha re tsebe feela seo Morena a tla re hlahisetsa sona.

⁹ Jwale, re motlotlo ho Morena ho phela letsatsing leo re phelang ho lona, pejana feela ho ho kgutla ha Jesu. Jwaloka ha ke boletse pele, ke nako e kgolohadi nalaneng yohle. Nka mpa ka phela hona jwale ho ena le nakong efe feela, ho...lefatsheng.

¹⁰ Ke bona ka pela rona mona, hape bosius bona, ke motswalle wa ka ya lokileng, Moena Dauch. Ke buile ka yena ka hara odotoriamo hoseng hona. Moena Dauch o dilemo di mashome a robong le metso e meraro kajeno, ke leseho le le kakang. Bophelo ba hae bo bolelele o bo abetse kganya le pokyo ya Modimo, mashome a robong a metso e meraro kajeno. “Letsatsi le Monate la Tswalo” ho wena, moena wa ka! Mme ke a tseba hore ka ntle, tlase, bophareng ba nako moo ba mametseng teng bosius bona, ba boetse ba lakaletsa Moena Bill Dauch “Letsatsi le Monate la Tswalo.” Ke motswalle wa sehloho wa Oral Roberts, bongata, o thusitse haholo Evangeding, le ntho e nngwe le e nngwe. Ke motswalle wa rona e moholo.

¹¹ Ke thabo ho bona Moena Mann mona, moreri e mong wa Methodise, ya pholositsweng mme a tlatsitswe ka Moya o Halalelang, le ka Lebitso la Jesu Kreste, ya dutseng mona. Le yena, hape, ke molekane wa rona ya tswang Indiana. Mme ke utlwisia hore Moena Hickerson o dutse pela hae, e mong wa batikone ba rona ho tswa Jeffersonville, Indiana (ba mametse hodimo mono bosius bona). Mme ke utlwisia hore Moena Wheeler, e mong wa batikone ba bang ba teng mona kae-kae. Mme ke—ke le jwale ha eso mmone, motho e mong o supa ka menwana ya bona kwana mme ke tla mo tshwara ka mora nakwana; ho dula kwana, hole kwana ho le letona, e.

Moena Banks Woods, ha o mame tseng bosiung bona, moena wa hao o ne a le teng maobane bosiu. Ke mmone ha ke tswa, Moena Lyle. Paki ya Jehova; sehlopha sohle se ne se sokolohe. Lyle o ne a kenngwe ka baka la pono ya Morena.

¹² Lyle o ne a dutse ka hara mokorwana mono tsatsing leo, athe letsatsi pele ho moo o ile a bolellwa hore “ntho e nngwe” e ne e “tla etsahala e le malebana le tsoho ya bophelo.” E ne e le Paki ya Jehova ya makoma, bo! Empa hoseng hoo, ha re dutse mono, re tshwasa dihlapi, mme a tshwara... Be, a ena le ntho e kgolo, ya tonana ya kgale (eo ya mofuta wa Kentucky, le a tseba)... selope se seholo mme tlhatswana, e sa tsebisahaleng ya se kometsa. Mme sa honya matshwafo, le mala le tsohle ka ntle, ho e lahlela hodima metsi (nthwana, sunfish e nyenyane), mme a re, “Be, wa thaka, o kwetse molomo wa hao la ho getela.” Nthwana... ya hlanama jwalo hodima metsi, ya shwa, moyo wa e pheulela hara dihaba tse itseng tsa mehaladitwe ya letsha.

¹³ Mme letsatsi pele ho moo, ha ho dutswe, ka re, “Moya o Halalelang o mpolella hore ‘ho tla ba le tsoho ya sephedinyana se itseng.’ Mohlomong e tla ba e—e ledinyane la katse, ha ke fihla hae, hoba feela...”

¹⁴ Ha re ntse re leka ho tjheka phepheletsane ya hlapi, nna le Moena Woods, ya mame tseng bosiung bona, ngwanana wa ka e leng mosajana e motjha ya dutseng mona, o lebeleditswe ke lesolle lena la rafola (ke a mmona), o ile a, a re, “Ntate...” Yena le ngwanana e mong, ho re, “Rona...” Jwale, motho a ka rua phofotswana eo ba e batlang, empa ruri ha ke rate katse, ka hona a... kapa ha ho le-Branham lefe. Ka hona re... a re, “Oh, re thotse katsana eo ya kgale ya batho kantle mona, Ntate. E—e—e jele ntho e nngwe mme e... motho e mong o e jesitse tjhefo, e ruruuhile haholo.” Ho re, “Ntate, e tliro shwa kapele, na re ka nka lebokose ra e boloka matsatsi a mmalwa?”

¹⁵ Ka re, “E re ke bone katse eo.” Be, ba tloha ba lata katse. Ka bona se neng se tla etsahala, ka hona ho mo fa lebokose. Mme hoseng ho hlahlamang, keha ho na le dikatsenyana tse supileng kapa tse robedi mono, le a tseba. Ka baka leo moshanyana wa ka, Joe, a phahamisa e nngwe ya tsona, mme a e peteta mme a e ratlanya fatshe; mme feela—feel... thakanyana leo la rapalla mono le ntse le sonopana jwalo le jwalo, a e bolaya.

¹⁶ Mme ka re ho Moena Lyle, moena wa hae, ka re, “O a tseba, eka ba mohlomong katsana eo e tla tsoha, kamoo re boneng Morena a etsa dintho.”

¹⁷ Moena Lyle, a sa le motjha feela tseleng. Moya o Halalelang o no o mmoleletse hore o tjhatile, le seo a se entseng, le dimpe tse a di entseng, dintho tse a di entseng. Be, a hopola hobane Moena Banks o na ntsa mpolella dintho tseo. Empa eitse ha O

hlile o mo hotolla hantle, le ho mmolella seo a se entseng bosiu pele ho moo, hoo ha—hoo ha hla ha mo hlola. A sa kgone ho e utlwisisa.

¹⁸ Yaba, hoseng ho hlahlamang...Ha re ntse re tshwasa bosiu bohle, ka tlhatswana, re di tshwasetsa ho phephetsa. Empa feela a lahlela tlhatswana eo metsing, ya swaboloha, ya kanama. Ha e batlile ho ba bohare ba hora hamorao re ne re dutse mono, mme ke ne ke...Ka re, "Moena Lyle, o dumelletse hlapi ho kometsa selope ho fihla tlase kwana maleng a yona. O a bona?" Ka re, "Nka kgwele eo, o e phethole, phepheletsane eo jwalo; hang feela ha e e thetsa," ka re "ebe o e tshwara feela mme o ntoo e hula jwalo." Ka re, "O...o se ke wa e hula jwalo, o se ke wa e kwenya, o tshware hlapi."

¹⁹ A re, "Be..." O ne a nkile kgolehadi ya kgale, e kgolo e leketlileng mono, ho re, "Re e sebetsa tjena," ka mokgwa oo.

²⁰ Ka hona, ka yona nako eo, ka utlwa Ntho e lepella qhoweng ya thaba hodimo mono, setsokotsane, se ntse se tswibileha se dikoloha se bile se dikoloha. Ke sena Se theoha jwalo, mme Moya wa Modimo wa theohela hodima seketswana, ho re, "Ema ka maoto a hao." Ho re, "Bua le hlapi eo e shweleng. E re, 'Ke o buseletsa bophelo ba hao.'"

²¹ Mme tlhatswana eo e neng e robetse mono bohare ba hora, dikahare tsa yona di le molomong wa yona, le matshwafo a yona. Ka re, "Tlhatsvana e nyenyane, Jesu Kreste o o buseletsa bophelo ba hao. Ako phele, ka Lebitso la Jesu Kreste." Ya phethoha ka mokokotlo wa yona, mme ya ikeka e kena metsing ka potlako e bokgoning ba yona.

²² Moena Lyle, na o teng kae-kae mona? Ke—ke o bone mabobane bosiu. A leng kahare, kantle, kapa moo a leng teng, phahamisa letsoho la hao ha ke kgona ho o bona. [Motho e mong kahara phutheho o re, "Hodimo diotlwanamoyeng." — Mong.] Ho thweng? Hodimo diotl...Oh, e, hodimo kwana diotlwanamoyeng, difesetereng motsheo mane. Ke yena monna eo, Paki ya Jehova.

²³ A re, "Moena Branham!" O ne a fuduehile ka nneta, a re, "Ah, ho—ho monate ho ba mona. Ha ho jwalo?" A re, "Uh-huh, na o—na o...Uh, o nahana hore e ne e bua ka nna, ha—ha—ha, ha e le moo ke boleletse tlhatswana eo, ho re, 'O kwetse molomo wa hao la ho qetela?'" Ho re, "Hoo—hoo—hoo ho ne ho bolela ho hong ho nna?"

²⁴ Ka re, "Ee-e, ee-e, empa e le thasisetso feela." E ne e mo kgathaditse ka nneta.

²⁵ Be, re ye re tsamaye jwalo mme o bone ha dintho tseo di etsahala, ho tseba...Jwale, nahangan feela, e ne e bontshang? Ke ne ke ngotse bana ba bangata ba rutlehang lenaneng la ka la thapelo, ho e rapella, empa yare ha pono e fihla keha e le

bakeng sa tlhatswana ya kgale e ka bang bolelele bo bokaalo, di-intjhi tse ka bang pedi kapa tse tharo. Selope se batla se lekana le tlhapi ka boholo. Empa seo e neng e le sona, e ne e le ho le supisa hobane Modimo o tsotella le dinthwana tse nyenyane. Le a bona?

²⁶ Tsatsi le leng mohla ho ne ho robetse balepera hohle naheng, O ile a sebedisa matla a Hae mme a rohaka sefatse. Sa qala sa omella, athe batho ba ne ba robetse hohle ba hloka matla ao a fodisang. Empa, le a bona, O ne a batlile ho bontsha hobane Ke Modimo hodima dintho tsohle, e ka ba nyenyane, e ka ba kgolo, seo e ka bang sona. E sa le Modimo hodima dintho tsohle, tlhaho yohle. Ka baka leo re a Mo rata hobane...Hoo—hoo ho a re tsebisa, hore efela ha A thahasella ho kenya Lentswe la bophelo kahara hlatswana e sa tsebisahaleng e robetseng mono e shwele, hodima metsi sebaka sa hora le halofo, ruri A ka kenya Bophelo kahara bana ba Hae. Ho sa tsotelehe hore na mmele wa hao o lekana le kgabana ya thojana, O tla bua, mme re tla Mo arabka tsatsi le leng. Ke Modimo o thahasselang ntho ka nngwe, tsohle tseo re di etsang, tsohle tseo re di buang, ntho ka nngwe. O a thahasella.

Jwale ha re inamiseng dihlooho tsa, hohle.

²⁷ Ke a ipotsa jwale, pele re rapela, ha ho ena le motho ya Mo thahasselang bosius bona, empa o eso lokisetse Lefatshe leo re tla Mmona ho lona. O a tseba, o ke ke wa kena kantle ho boitokisetso. Mme ha o eso bo etse le jwale, empa o rata ho hopolwa thapelang hona jwale, hore ntho e nngwe le e nngwe e tle e lokiswe pakeng tsa hao le Modimo bosius, na o ka phahamisa letsoho la hao; o tle o re, “Nkgopole, Morena”? O a...Mo dumelle feela ho bona letsoho la hao. Modimo, fana ka sena.

²⁸ Ntate ya Mahodimong, re sa eme bosius bona pakeng tsa ba phelang le ba shweleng; le dintho tse na tse hlahang matsatsing ana, tse mohlolo, ruri di mohlolo; empa Modimo, O a tseba hore ke nneta kapa tjhe, Ke wena o Moahlodi a le mong wa mahodimo le lefatshe. Mme re bua sena, Morena, ho kgothatsa batho feela (tse ding tsa dintho tseo O re bontshitseng tsona), hore ba tle ba kgothaletswe ho O rata le ho O dumela, ho O sebeletsa, le ho tseba hore ho sa tsotelehe kamoo ketso e leng nyenyane kateng, e lokile kapa e le mpe, O a e bona. Ke a rapela, Modimo o ratehang, hore O tle o hlohonolofatse le leng le le leng la matsoho ao bosius bona, le le soule le moyo tse susumediteng letsoho leo ho phahama. Mme ke a rapela, Modimo, hore bona ebe bosiu boo boitlophisetso ba bona bo tla etsiswa Lefatshe leo le mose ho noka. Fana ka sena.

²⁹ Fodisa bakudi le ba mahlomoleng, Morena, ba leng teng mona, ho phatlalla le na ha hohle moo e—e—e kgaso e kenang

ka difonofono. Hlohonolofatsa ba kantle ba sa bolokehang, ho tloha California ho ya New York, ho tloha Canada ho ya Mexico. Fana ka sena, Morena, hore motho e mong le e mong ya dutseng tlasa modumo wa lenseswe la rona, bosius bona, ba tla ba pholoswe dibeng tsa bona, ba fodisitswe malwetse a bona, ka baka la Boteng ba Hao bo Kgethehileng.

³⁰ Mme Moena Jackson enwa wa rona, ya fofileng dimaele tsena tsohle tse dikete mona, ho ba mona kahobane ntho e fuduuhile pelo ya hae ka mohlolo; "Mme ba tla lora ditoro, mme ba bone dipono." Modimo o ratehang, O ile wa mpataela yona, hore sena se bolelang; ha ke tsebe. Empa ha O ka re etela, Morena, lokisetsa dipelo tsa rona ketelo eo. Hore re tle re dule tlasa ditebello, re sa tsebe se O tla se etsa, mme ha re tsebe haeba O tshepisitse ho re etela ka toro ena na; ha re tsebe. Empa re-re mpa re qotsa dintho tseo re di utlwisisang, hore O tshepisitse ho etela batho ba Hao, mme re O rapela ho Inetefaletsa rona mona. Re e kopa ka Lebitso la Jesu Kreste. Amen.

³¹ Jwale, bosius bona, kamora ho le tshwarelle halelele hakana maobane bosiu le hoseng hona, mme ke batla ke tjha lenseswe. Ke tshwere sekoto sa moriri, seo ke se rwalang hodima lefatla la ka *mona* ha ke rera. Empa ke se lebetse kgetlong lena, mme moyo wona, o pholletsang le difesetere, o qala o-o ntjhesa lenseswe hanyenyane. Ke ne ke tlwaetse... Ke tlamehe ho kwala dikopano, empa haesale ke fumana ntho eo, ha se sa ntshwenya, ke tswelapele feela. Mme ke o lebetse, mme o... Ke a...ke batla ke o utlwa, ka hoo dithapelo tsa lona di tla ananelwa. Mme jwale, mona ke ditshebeletso tse pedi ka letsatsi, di a...ho ba tla ho...Le a tseba, ha o tsamaile dimaele tse ngata, e...o ka bolela.

³² Ka hona jwale ho lona batho ba California, le ka ntle Arizona, re dumedisa bohole naha ka bophara. Moena Leo le sehlopha se emetseng Morena hodimo Prescott, le a mengwa jwale, le lona bohole batho ba mathokong a Phoenix, veke ho tloha moo bosius bona, re tlameha re be re le kwana Yuma moketeng wa dijo. Ba se ba rekisitse ditekete tsohle tsa bona mono mme ba fumane odotoriamo e kgolwanyane, mme ha ba kgone ho dudisa batho. Ka hona e tlang ka nako, lona bohole, ho-ho ka kena kahare. Ke moo re tla ya Los Angeles ho tloha moo, Mantaha o latelang... Sontaha se tlang, Sontaha bosiu. Mme ka hona re lebeletse ho le bona bohole koo. Mahlohonolo a enneng a Modimo a le kgurumetse bohole.

³³ Ho lona ba New York, le lona ba mathokong hodimo Ohio le dibakeng tse fapaneng, ke batla ho rera molaetsa wa *Mohlala Wa Noha* (sebata tshimolohong, le sebata qetellong), Tabernakeleng. Billy o tla le romella tsebiso eo, hore re tla

e bua neneng, hoba ke e etsa kahara Tabernakele hobane kgonahalo, bonnyane, o ka tshwana o nka dihora tse nne kapa ho feta.

³⁴ Ka hona jwale... a hona ke batla hore lona mona, mona le hohle moo le leng teng jwale, ho phetla Bukeng ya Jobo. Buka e hlollang haholo ho e rera, ke mpa ke batla feela ho sebedisa dintlha tse mmalwa mona jwale.

³⁵ Mme ebe, hosane hoseng, mona tabernakeleng, ho tla ba le ditshebeletso tsa Sekolo sa Sontaha mono... Re tla qala ka nako efe mona? [Monna o re, “Mashome a mararo ka morao ho robong.”—Mong.] Mashome a mararo ka mora robong. Mme ke bile ke fuwe monyetla wa ho boela ke bua mona hosane. Mme ha Morena a ratile, ke ne ke batlile ho bua ka temana... haeba A ratile, jwale, jwalekaha ke hlahllobile thapama ena, ho le bontsha hobane, “Sebaka se seng moo Modimo a tla kopana le morapedi.” Uh-huh, feela... Mme—mme nka le bolella sebaka seo, le Lebitso la sebaka seo, moo Modimo a tla kopana le morapedi.

³⁶ Mme ebe, hosane bosiu, ke tla kopa mohau wona, ke hore, bakeng sa tshebeletso ya phodiso. Mme ke—ke batla tshebeletso ya phodiso ya mehla ya kgale. Mme ha Morena a ratile, ke batla ho bua ka temana e mmakaditseng kajeno... Mohla nna le Moena Moore re neng re tswile mmoho, baena beso ba ratehang, re ntse re qoqa ka Mangolo. Le kamoo ho bileng monate ho ba le baena bao, jwaleka mehleng ya kgale. Mme a re, “O a tseba, Moena Branham, hara theroyohle eo o kileng wa re etsetsa yona mona Shreveport, *Konyana Le Leeba* e ne e le o mong wa melaetsa e tswileng ka mahetla eo o kileng wa re tlisetsa yona mona Shreveport.” Ho re, “Hodima Molaetsa wa hao o o kgathatsa hakana kajeno, ha o ke o tshwarana le o jwalo.”

³⁷ “Ha ke fosa Hoo, ke fosa Molaetsa wa ka.” Ho nna lerato ke...

Konyana ya ka e ratwang e shwang,
Madi a Hao a kgabane
A ke ke a timellwa ke matla a wona,
Ho fihlela kereke yohle e rekilweng ya
Modimo

E pholoswa, e se hhole e etsa sebe.
Esale ka tumelo, ke bona molapo oo
O fepelwang ke maqeba a hao,
Lerato le lopollang esale e le lepetjo la ka,
Mme e tla ba lona hofihlela ke shwa.

³⁸ Hosane bosiu, ha e le thato ya Morena, ke batla ho rera ka temana ya: *Ka Mapheyo A Leeba Le Lesweu Twa*. Hosane bosiu, “Morena ya theohang ka mapheyo a Leeba,” ke hore, ha Morena a rata, ha lentswe la ka le sa mpefale. Jwale... ka hona, le re rapelle.

³⁹ Mme hape ke batla tshebeletso ya thapelo ya mehla ya kgale eo re bileng le yona tshimolohong, ho se temoho ya meya, haese feela ho fa motho e mong le e mong ya batlang ho rapellwa karete. Jwale, o tshwanela ho ba le karete, ka hona le fihle mona ka nako hore Billy a tle a le fe karete mme a e kenyé moleng. Ha o sa etse jwalo, batho ba dula ba hatellana, mme ba hatellana, mme ba hatellana, mme mola ha o fele. Mang le mang a ka fumana karete. Ke batla Moena Jack a eme pela ka moleng wa thapelo, jwalekaha le ne le tlwaetse ho etsa, mme Moena Brown a ntisetse batho sebakeng sa Billy Paul. Ke—ke—ke—ke batla—ke batla mola wa thapelo wa mehla ya kgale, mme re rapela kamoo re neng re tlwaetse dilemong tse fetileng.

⁴⁰ Ke thabetse ho bona le moena e mong ya tlatsanang le rona bosius, ke mpile ka thalatza feela mme ka mo lemoha mme ka mmona, metsotso e mmalwa e fetileng, Moena Gordon Lindsay. Ke e mong wa mekaubere, o bile le rona kgale nako e fetileng. O etsa mosebetsi o kgabane, ho tlanya, o ntse a tlanya buka ya ka jwale: *E—E Mengwaha E Supileng Ya Kereke*. Re tshepile ho e lokisa hape, *Ditiiso Tse Supileng*. Haeba a ka e bala pele a e tlanya, re tla qoqa ka thutamodimo. Ke utlwa feela hore e a tla. Empa feela o a tseba hobane ha ke mothuti wa thutabomodimo. Ka hona... Empa re lebeletse bosiu ba hosasa. Ha o le teng, Moena Lindsay, tloo kwano hosane bosiu. Haeba o le teng, ako kene mme o be le rona kalaneng bakeng sa tshebeletso ya mehla ya kgale ya thapelo.

⁴¹ Ke ba bakae ba ka ratang bona mekaubere eo hape, ka nako ha re tlisa batho? Ho tla ba monate. Jwale, tlisang bakudi ba lona le ba mahlomoleng, hosane bosiu, ka morero oo.

⁴² Jwale, haeba le fumane Buka ya Jobo, temana ya 42... kapa kgaolo ya 42, le ditemana tsa pele tse tsheletseng tsa kgaolo ya 42 ya Jobo; e hlolla haholo. Moena Ted Dudley, haeba o mametse bosius, kwana Phoenix, o sa hopola mohla nna le wena re ne re qoqa, veke kapa tse pedi tse fetileng, mme ra bua ka sena? Ke ile ka o bolella, “Ka tsatsi le leng e tla ba mohlodithero wa ka.” Mme ke batla ho e sebedisa bosius bona.

Yaba o arabela...

Yaba Jobo o arabela JEHOVA a re,

Mamelang palo ena ka ka hloko jwale.

Ke a tseba hobane ha o sitwe ke letho, le hoba ha ho pelaelo eo o ke keng wa o phetha.

Ke haele mang ya ka fifatsang merero ya hao ka dipolelo tse se nang kelello? ke fela ke buile ke se na kutlwisiso; ke boletse mehlolo e mphetang, eo ke sa e utlwisiseng.

Oho, o mmamele jwale, mme ke tla bua: ke tla o botsa, mme o tla nthuta.

Ke ne ke utlwile tsa hao ka ditsebe feela: empa jwale mahlo a ka a o bone.

Ke fela ke inyatsa, mme ke iteta sefuba ke le leroleng le moloreng.

- ⁴³ Jwale ke batla ho ntsha mohlodithero temaneng eo ya 5.

Ke ne ke utlwile tsa hao ka ditsebe feela: empa jwale mahlo a me a o bone.

Morena a ke a hlohonolofatse Lentswe la Hae.

⁴⁴ Jobo, ha re tshwaraneng le bophelo ba hae nakwana. Jobo e ne e le moporofeta. Ke monna ya phetseng morao kwana le pele Bibebe e ngolwa. Ho thwe Jobo ke e nngwe ya Dibuka tsa kgale-kgale ka ho fetisa tsa Bibebe, hoba E ne e ngolwe le pele Genese e ngolwa. Jobo, mohale e moholo enwa le moporofeta, e ne e le e—e monna wa senatla tsatsing la hae. Ha ho pelaelo hore o ne a hodiswe mme a sebeletsa Morena bophelo bohole ba hae. Mme a phela bophelo bo kgabane haholo pela batho, bohole ba ne ba mo hlompha.

⁴⁵ Empa mona o fihla moo a e reang, ho *lekwa* ke Morena. Empa ke rata ho sebedisa lentswe la, ho “lauwa” ke Morena. Mme ruri, “Mora e mong le e mong ya tlangu Modimo eka kgona a lekwe, a lauwé, a kwetliswe jwaloka ngwana.” Mme ha diteko di thatafala, mme re hopola hobane ho thata mme re sa utwe (ho mamela), ke moo A itseng re “fetoha bana ba bonyatsi, mme e seng ngwana wa Modimo.” Hobane, ha ho letho le ka sisinyang ngwana wa makgonthe wa Modimo ya tswetsweng la bobedi, sa mo tlosa ho Motswadi wa hae, le a bona, ke ke karolo ya Hae. Ha o ka ke wa e latola, jwalokaha o ke ke wa itatola. Le a bona, o fetile boiphihlelong boo, o kwetlisitswe mme o lauwé.

⁴⁶ Mme jwale, monna enwa ka ho ba moporofeta, a kile a atamela mohau wa Modimo, empa feela Jobo o ne a se na Bibebe a e balang. Yena . . . Bibebe e ne eso ngolwe mohlang oo, feela a kile a atamela Modimo ka tshenolo le ka pono. Moo ke pele ho ngolwa Bibebe.

⁴⁷ Jwale, re a fumana, mme re qotsa karolo ya bophelo ba hae, mohla Modimo o no o mo hlohonolofatza mme o mo etsa monna ya phahameng. Kgale, motho mang le mang a bile a mo hlonepha, esita le bohlale ba hae, bo bile ba eketseha haholo. Tshusumetso ya hae e tswang ho Modimo e ne e mo pakile e le mohlanka wa Modimo, ka ho hlaka, batho ba ba ba tswa hole ho tla mo utlwa. Mme yaba Satane o qala a qosa monna eo. Mme o etsa mohlanka e mong le e mong wa Modimo ya buduletsweng jwalo, kamehla Satane o teng mono ho mo qosa ka ntho e nngwe le e nngwe e sa lokang eo a e etsang.

⁴⁸ Mme, jwale, re fumana bophelo ba hae le diteko, le tumelo ya hae e kgolo. Esita le Jesu, mohla A ne a fihla lefatsheng, O buile ka mamello ya Jobo. O itse, “Na ha le a bala ka mamello ya Jobo?” Tumelo le mamello mmoho di lebella phethahatso ya Lentswe le tshepisitsweng.

⁴⁹ Jwale, mona re elellwa hobane Jobo, hoba a fete diteko tsa hae, mahlomola a hae kaofela... O ne a ena le lelapa le lokileng, a mpa a ba amohuwa. A ena le katileho mmeleng, a mpa a e amohuwa. A hlothwa ntho e nngwe le e nngwe eo a neng a e ruile bophelong ba hae. Mme a dula thotobolong, a nkile sekotwana sa phalo, a ikgwabitla mathopa. Mme esita le mohatsae, a bua kgahlano le yena, a re, “Horeng o sa rohake Modimo, mme wa shwa?”

⁵⁰ A re, “O bua jwaloka mosadi ya lewatla.” A re, “Morena o ne a neile, mme Morena o boetse o nkile, ho bokwe Lebitso la Morena!”

⁵¹ Jwale, Satane o ne a ile a ema pela Modimo, hoba a ne a ka kgona ho tla pela Modimo, mme a qose Bakreste (kapa, badumedi) ka dinako tsohle. Ka hona a qosa Jobo ka dintho tse ngata, mme a re “Jobo, lebaka leo a neng a ka sebeletsa Modimo, kahobane dintho tsohle di mo atlile.” Empa a re, “Ha O ka mpha yena, matsohong a ka, nka O rohakisa ka yena sefahlehong sa Hao.”

⁵² Ke batla hore le bone tshepo eo Modimo a na ena le yona ho modumedi. Le a bona? O a... Ka mantswe a mang, Modimo wa re ho Jobo...wa re ho Satane, tjena, “Ha o ka ke wa e kgona! Ke monna ya lokileng ya lokafaditsweng. Ke monna ya molemo. O...ha ho ya tshwanang le yena lefatsheng lohle.” Oho monna ya mokakang; hoo Modimo ka Sebele a ka bolella sera sa Hae, “Mohlanka wa ka o phethahetse, ya tshwanang le yena lefatsheng ha a yo.” Oh! Hola feela re ka ba motho wa mofuta oo! Hoo Modimo a ka behang tshepo e kaalo hodima rona! Ho tseba hobane re ke ke ra fapoha Lentswe la Hae kapa Boleng ba Hae, ka mokgwa ofe! Ho dula ka tsepamo, mme A ka bea tshepo ya Hae hodima rona.

⁵³ Jwale, Jobo e ne e le monna ya bolokang molao wa Modimo ho fihla setsing, ka nepo. Mme Satane o e tsebile, empa a re, “Ha O ka mpha yena feela, ke tla O rohakisa yena sefahlehong sa Hao.”

⁵⁴ Ka hona Modimo wa mmolella, Wa re, “Jwale, o matsohong a hao, empa o se ke wa nka bophelo ba hae.” Mme Satane o bile a hlabeletsa ka bokgoni ba matla a hae mono. A tlosa motswalle e mong le e mong, le ntho e nngwe le e nngwe a e ruileng, ya batla eba bophelo ba hae bohole, empa a ke ke a tlosa bophelo ba hae. Empa Jobo a nna a itshwarella, a sa honyele.

⁵⁵ Le a bona, ha monna kapa motho a kile a holehana le Modimo, ka tumelo eo ya makgonthe, e senotsweng ho re “Modimo o teng!” Ha ho letho, ha ho nako, kae kapa kae, le ka arohanyang monna eo le Modimo wa hae. Ke a kgolwa ke Pauluse ya itseng, “Ha ho tshotleho, ha ho tlala, ha ho tlakotsi, kapa sebopuwa se phelang, kapa se shweleng, kapa e leng lefu, kapa ha ho letho le ka re arohanyang le lerato la Modimo le leng ka ho Kreste Jesu.” O ankorilwe ka polokeho ka ho Yena hobane o ne o rerelwe Bophelo boo.

⁵⁶ Empa Satane leha a ne a ka mo sothanya nakwana, le ho mo bofa, le ho mo etsisa yona. Empa, le a bona, Jobo ka tshenolo ya hae e phethahetseng ho Modimo, le hore Modimo e ne e le mang, le kamoo Modimo a na a mo rata, o ile a ema! Ho sa tsottelehe maemo, o ile a emela tumelo ya hae ho thasiselletswa, hobane a ne a itshwareletse ka Modimo, tshenolo. Eo ke buileng ka yona maobane bosiu.

⁵⁷ Jwale, ha batho ba kulang ba le teng ka mohahong, batho ba holofetseng, kapa lona ba hlokang Modimo, ha le ka fumana tumelo ya mofuta oo ho re o “lokafaditswe,” ha o lokafaditswe ka nnete ho kopa seo o se kopang, mme o dumela hobane “Ke moputsi wa ba O batlang ka nnete,” ha ho letho le ka o arohanyang le tumelo e ankorilweng ho wena. O a bona? Empa, pele, o tlameha ho e senolelwaa.

⁵⁸ Motho o ne a tle ho nna nakwana e fetileng, sehlopha sa banna, bang ba bona ba mametse bosiung bona, mme ba re ho nna, ho re...Ke ne ke sa phetse ho ba bolella, “Eyang Kentucky, oli e teng tlase mono.” Mme ke ne ke tseba e le teng, ke e bone ponong.

⁵⁹ Be, bona le Moena Demas ba qeta nako e telele ba sa ye. Ka mora nakwana, qetellong, ba re...Ka mora hoba Texas e kene. Mme ba re, “Jwale re a theoha.”

⁶⁰ Ka re, “Le tlamehile le be le ile kgale.” Empa ha ba ka ba e etsa.

⁶¹ Demas a re, “Ke entse phoso e kgolo mono, ka ho se etse hoo, Moena Branham.”

⁶² Ka re, “Hola wa ya mono, e ka be e le ya hao kaofela.”

⁶³ Be, ha ba ka ba e mamela. Ka hona ntho ya pele...ka hona pele re tloha bosiu boo...E-e tulong eo re neng re jela lantjhe ho yona. Moya o Halalelang wa mpontsha lepatso le leholo lefatsheng, mme le tletse oli, mme diqanthana tsena tse Kentucky e mpa e le matshanyana a phophomang a oli ao ba pompong ho wona, empa ena e ne e tswa molapong o moholo. Mme ka re, “Moena Demas, e teng mono.”

⁶⁴ Ka hona ba tloha ho ya e tsoma. Ho re, “Theoha o re bolelle moo e—moo sediba sa oli se leng teng.”

⁶⁵ Ka re, “Oh, tjhe! Tjhe! Tjhe!”

⁶⁶ Le a bona, ha re ke re sebedisa neo ya Modimo ho bapatsa. Tjhe! Tjhe! A ka mpolella moo e neng e le teng, empa ha ke e hloke. Nke ke ka ba le tumelo e lekaneng ho Mo kopa. Le a bona? Hola ke e hloka, ke dumela hobane ha nka Mo kopa, O tla mpolella. Empa pele, le a bona, merero ya hao le dipheo di lokela ho nepahala. O tlameha ho ba le mabaka a ntho ena. Modimo ha a ke a o fa dintho tseo hobane o di kopa. Mme o ke ke wa kopa ka tumelo pele morero o nepileng o eba teng mono, ho dula thatong ya Modimo. Le a bona, ha o batla ho fola, o batla ho follang? Le a bona, ha o batla ho fodiswa, o batla ho fodisetswang? O bolella Modimo eng? O batla ho etsang ka bophelo ba hao ha o se o fodile? Le a bona, e ka kgona ho be le...o tlameha ho fumana morero le sepheo, mme di lokela ho nepana le thato ya Modimo. Mme hape ebe ha tumelo e senoletswe wena, mme ha Modimo a bea tumelo eo ka mono ka mohau wa Hae wa boikemelo, ke phetho. Le a bona? Jwale na le a bona?

⁶⁷ Jwale, ho nepahatsa Lentswe leo, eitse ha baena bao ba fihla tlase mono, ba fumana...thaka le leng la tloha mme la reka sehlopha sa dintho, mme a rekisa di-lease, mme a qhekanyetsa e mong tjena. Ka re, "Le a bona, e ke ke ya sebetsa." Jwale ho kgodisa *seporofeto* feela, bohole ba dijarete tse lekgolo le moo banna bana ba neng ba tjheka sediba sa bona teng, monna e mong a thola phororo e kgolo. Mme e teng mono, dibarele tse makgolo a leshome le motso o le mong tsa oli ka holofo ya letsatsi, kapa ntho e nngwe kapa ntho e kang eo; e sa ntse e kopotsa, hantle feela molapong o moholo. Empa feela ho etsa seporofeto, Lentswe le boletswang hore e ne e le teng mono, e ne e le teng. E meng yohle e se e batla e omme, hohle Kentucky. Matsha a manyenyanye, ba a pompa nakwana, mme a pshe. E mpa e le letsha le tswang *mona*. Le a bona?

⁶⁸ Empa, ka hobane boitshepo bo kene hara yona, morero o ne o fosahetse, ho tekena sehlopha sa dintho "ho tla ba *tjena*," athe ba tshepisitse hore ba tla e etsetsa Mmuso wa Modimo, empa ho bonahala e le molemong wa bona. Le a bona?

⁶⁹ Mme e ke ke ya sebetsa, ha ho ntho ya boitshepo e tla sebetsa. Merero ya hao le dipheo di tlameha ho tsepama, ho phethahala ka nnete, ke moo o tla ba le tumelo, ho kopa. "Ekare ha dipelo tsa rona di sa re ahlole, re na le tshepo." Le a bona? Le a bona, re tlameha ho ba le tshepo. "Ke e batlela tlota le kganya ya Modimo." Ke moo tumelo e nang le e-e motjha oo e tsamayang ho wona; ha ho se jwalo, o na le tumelo ya hlalefo, ya bohlale, mme e seng tumelo ya makgonthe e tswang ho Modimo. Mme tumelo eo ya hlalefo e ke ke ya o fihlisa kae kapa kae. O ka nna wa sisimoha, empa e ke ke ya o tlisetsa phodiso eo o e batlang.

⁷⁰ Ka hona, Jobo, a itekola ka tumelo ya makgonthe eo Modimo a mo neileng yona hore o ne a “lokile,” hore o entse sohle seo Modimo a se hlokileng ho yena. Jwale re tlilo rapellwa, malwetse a rona, ke a ipotsa na re entse sohle seo Modimo a re batlang sona. Na re latetse molawana o mong le o mong wa Lengolo? Na re Mo neile dipelo tsa rona le maphelo tshebetson? Hobaneng o batla ho fola? Ke ka hona o sa fumaneng tumelo e lekaneng, o a bona, hoba ha o eso etsetse Modimo ntho ena ka botshepehi bo tswang pelong ya hao. Jwaloka ha Hezekia a entse, ho fa Modimo lebaka, o ne a batlile ho hlophisa mmuso wa hae—wa hae ka tshwanelo. Mme Modimo wa kgutlisa moporofeta wa Hae mme wa mmolella, le hore o tla fola. Le a bona? Empa, o tlameha ho lokisa dintho tseo, pele.

⁷¹ Mme hang feela ha o fihla dibakeng tsena mme o tseba hobane o e senoletswe ke Lentswe la Modimo, ka tshenolo, ka Lentswe leo Modimo a o hlokang ho le phethisa, ke moo o nang le tumelo, tumelo ya makgonthe.

⁷² Jwale, jwaloka Abrahama mohla a leng dilemo tse mashome a robong le metso e robong. Ke a kgolwa, ho Genese 17. Modimo wa na wa ipontsha leqheku lena, jwale, dilemong tse mashome a robong le metso e robong, mohla a batlang a le dilemo tse lekgolo, esale a emetse tshepiso eo dilemo tsena tsohle. O hlahile ho yena ka lebitso la *El Shaddai*, “ya Matswele.” Mme ebile kgothatso e kakang, leha kwana tshepiso e sa phethwa nakong eo. Empa, “Abrahama, Ke Modimo o Matlawohle, *El Shadda*, ‘moaba-Matla, Modimo ya Matswele.’”

⁷³ Jwaleka ha ke le boleletse pele, jwaloka lesea le tsheremang, mme le kula, le lla, ebe le sekama sefubeng sa mme. Mme ho yena le anya matla a lona, hoba le kgotsofetsé ho nna le anya, hoba mohlodi o le mong oo le nang le wona le oo le o tsebang ke letswele la mme. Ha le tsebe mothamo wa moriana. O ka le tomuletsa moriana, le tla hlodiya mme le lle. Ho le hlaba sephakeng, mme le ikele. Empa mohlodi o le mong o le kgotsofatsang ke letswele la mme.

⁷⁴ Mme O itse, “Abrahama, o tsfetse, matla a hao a fedile, diphaka tsa hao di monyetse, bona ba hao bo fedile, empa Ke Mmao. Ako tshware tshepiso ya Ka, mme e re o sa letile o kgotsofale. Ako phomole!”

⁷⁵ Jwale, ke kamoo modumedi e mong le e mong, ho sa tsotelehe hore mofetshe o o katlide hakae, o dutse halelele hakae setulong sa bakudi, efe feela ya dintho tseo, hang feela ha o ka utlwisisa tshenolo eo e tswang ho Modimo! Kgotsafala he, ka ho tseba hobane e tla etsahala, hobane tumelo e emela tshepiso ka mamello. Le a bona?

⁷⁶ Jobo o tsebile hoba o ne a nepile. Ke moo re fumanang, mona Mangolong, hore ho ne ho ena le...mathaka ana a tlie

ho yena; ditho tsa kereke ya hae. Ntho e nngwe le e nngwe e kileng ya rateha ho yena e ne e mo hlanohetse, le ho leka ho mo qosa ka ho ba moetsadibe ka sephiring, hoba a hlahetswe ke tsena tsohle. Le ye le utlwe batho, le kajeno, ho thwe, "Ke o boleletse. Mo shebe! O bona seo . . .?" Ha se nnete e tsepameng eo. Ka dinako tse ding ke Modimo o layang batho ba Wona. Lebakeng lena, e ne e le Modimo ya layang Jobo, monna ya kgabane ka ho fetisa lefatsheng mehleng eo. Jwale, O ne a mo tshwere lekgatheng leo, kahobane A tsebile hore Jobo ke moporofeta ya nang le pono e tswang ho Modimo, hore o ne a entse seo Modimo a mo laetseng sona ka tshwanelo mme a . . . Modimo o ne a tlamehile ho boloka tshepiso ya Hae ho yena.

⁷⁷ Oh! Bakreste bohle ba tlameha ho ba jwalo. Mohla ho fihla tekoh ho qetela ya bophelo ba rona, mme lefu le kgakgatsa mmetsong wa rona, re tshwanelo ho itshwarella ka ho tiya mme re hopole hore Modimo o itse, "Ke tla le tsosa hape letsatsing la ho qetela." Le a bona? Re tlameha ho tshwara hoo-hoo, bopaki ba rona, madulo a rona ka ho Kreste, sebaka sa rona, seo re leng sona, re ntse re tseba hobane re bolokile Lentswe ka leng la molao wa Hae. "Ho lehlohonolo ba bolokang melao ya Hae hore ba tle ba be le tokelo ya ho kena." Le a bona? Mme ha re tseba, hore ho sa tsotelleh seo mang a se buileng, re ile ra boloka moalo o mong le o mong oo re o bonang ka hara Bibebe, seo Modimo a re etseditseng . . . a re laetseng ho se boloka, ka tshabo, le ka lerato, le ka hlompho ho Mmopi Ya ngotseng Bibebe.

⁷⁸ Re re, "E ngotswe ke motho."

⁷⁹ "Banna ba kgale, ba tsamiswang ke Moya o Halalelang, ba E ngotse." Le a bona? Le a bona, Modimo o E ngotse ka motho. Jwaloka moporofeta ha a bua Lentswe la Hae, hase lentswe la moporofeta, ke Lentswe la Modimo, le a bona, ka moporofeta. Ke ka baka leo Le tshwanelang ho etsahala, haeba e le Nnete e tileng.

⁸⁰ Jwale, re bona monna e moholo enwa. Mme, le hopole, Jobo tsatsing la hae o ne a se na Bibebe a e balang. Tjhe! O mpa a tsamaile ka tshusumetso feela. E ne e le moporofeta eo Lentswe la Morena le tlileng ho yena. O ne a ena le—o ne a tlameha ho susumetswa, kahobane a tsebile maemo a hae hore e ne e le moporofeta wa Modimo. Jwale, ntho e le nngwe e neng e tlameha ho etsahala, e ne e le hore a kgahlolwe ke tshusumetso. Mme ebe moo a tsebang hore seo a se buileng se tla hlah, kahobane se ne se tlide ka tshusumetso.

⁸¹ Ke seo kereke, haeba e le taolong (e hlophilwe), e mpa e le . . . dihlomo tsohle tsa yona di lokile, e mpa e hloka matla lekgatheng leo. Bosiung bona, hola re ka lokisa dihlomo, ho lokisa dipelo tsa rona, dintho tseo re ka di etsang, ho latela

Lentswe le leng le le leng, ho Mo latela kolobetsong, ho Mo latela tsamaisong e nngwe le e nngwe eo A re laetseng ho e etsa, ho lokisa sehlomo ka seng, le ho ema mono; re tla be re itokiseditse hore matla a lokollwe, mme ke Modimo a nnotshi a ka etsang hoo; mme mono ke ho rothetsa pelong ya hao tumelo e reng, "Jwale ke fodile." Ke moo ho sa etseng phapang hore maemo ke afe, o fodile leha ho le jwalo; hobane ke tumelo, o foidisitswe ka tumelo.

⁸² O ne a ena le motjhoporwa puisano le Modimo, oo a o fumaneng ka tshusumetso. A ena le mokgwa wa ho itlosa tseleng, le ho dumella Modimo ho kena. Mme o tsebile hobane o ne a beilwe ya lokileng. E ne e le neo, e ne e le neo ho batho; e seng ho Jobo, empa bakeng sa batho. Ke phetho seo dineo tsa Kgalalelo di leng sona, ho sebeletsa batho ba Modimo ka tsona. Motho e mong le e mong ha a laelwa ho ba moporofeta. Lona bohole ha le a...ha le a laelwa ho rapella bakudi. Bao bohole ha ba laelwa ho ba badisa, le dintho tse jwalo. Empa ke motjhoporoo Modimo a ba buletseng wona. Esita le jwalekaha re fumane thutong hoseng hona, hore o...Monna e mong ha a tshwanela ho kgeloha a kena motjhoporong wa monna e mong, ho sa tsotellehe kamoo a susumeditsweng kateng, kamoo e bonahalang kateng, hore e ntle...Ba bakae ba neng ba le kopanong hoseng hona? Ha re bone letsoho la hao. Le a bona? Le a bona, le ke ke la kgona.

⁸³ Davida ke eo, a susumeditswem kamoo a ka kgonang, batho bohole ba howeletsa mme ba tlotsila Modimo, ka baka la morero o bonahetseng e le Lengolo ka nepo, empa e ne e le motho ya fosahetseng. Tshusumetso eo e ne e tlamehile ho tlela Nathane, e seng Davida. Le a bona, ha a ka a botsa le Nathane. Le bona se hlahleng? Le a bona, re na le...Modimo o itse ha A "etse letho pele A Le senolela bahlanka ba Hae baporofeta."

⁸⁴ Mme Jobo e ne e le moporofeta enwa letsatsing lena. Jwale, ntho e le nngwe eo Modimo a e etsedsitseng Jobo: Se nnileng sa mo fa bohlale le Lentswe la Hae le tshusumetso, o ne a sa kgone ho fumana tshusumetso. Empa o ne a tseba dihlomo tsa hae tsohle (o tsebile hobane o nyehetse setjheso sa sehlabelo, o entse sohle seo a se tsebileng se lokitse ho etswa), empa a sa fumane lentswe le tswang ho Modimo. Empa Diabolosi o sitilwe ho mo sisinya! Ke moo he.

⁸⁵ Jwale, ho jwalo leha o se o rapeletswe. Ha o a tlameha ho kgutlala moleng hape, kapa hore motho e mong a o rapelle. Ha o tsebisisa hore o entse seo Modimo a o laetseng ho se etsa, o a bona, emela hore motjhoporoo wa tshusumetso o bulehe ho wena, le, "Jwale ke fodile!" Ha e rothela ka mono, ke phetho he. Oh, ha o hloke mela ya thapelo, le letho le sele, ho fedile! O se o e senoletswe! Le a bona?

⁸⁶ Jwaloka moporofeta wa kgale mohla Morena Jesu a ne a fihla, re fumana hobane o ne a e senoletswe, mohale wa kgale, ho re “a ke ke a bona lefu a eso bone Kreste wa Morena.” Mme o dumetse Hoo, mme a E emela. Mme batho ba mo nka a hlanya, monnamoholo o ne a lahlehetswe ke kelello ya hae. Empa a nna a E dumela! Ho se letho le ka mo hlochlorang ho Yona, o tsebile hobane Modimo o mo senoletse Yona, hoba Bibebe e itse, “O ne a E senoletswe ke Moya o Halalelang.”

⁸⁷ Simeone ha a kena Tempeleng motsotsong oo, a tloha mme a boka Modimo, mme a re, “Tlohela mohlanka wa Hao a ikele ka kgotso.” Eitse ha a phamisa lesea, “Mahlo a ka a bone poloko ya Hao.” Le a bona, o tsebile hore o tla E bona. Ho sa tsotelehe hore o ne a tla etela masea a makae ka letsatsi, o tsebile hobane Modimo o mo senoletse a tla bona Kreste pele a shwa. Simeone o e dumetse.

⁸⁸ Jwale, mohla e senoletsweng *wena*, hore ke wena ka sebele ya amohetseng tshepiso ya Modimo; tshusumetso, lona le leng Bakreste, e o tjhebetse, ha o sa hloka le mola wa thapelo. Ntho...ntho eo o e hlokang feela ke pelo e bulehileng ha dihlomo tsohle di lokile, mme o dumelle tshusumetso ho rothela ka hare, mme ha ho letho le ka fetolang mohopolo wa hao he; o e fumane. Kathoko le moo, e ke ke ya thusa letho.

⁸⁹ Jwale elellwang, Jobo o ne a hloka motjhoporwa tshusumetso, o ne a o butse. A ena le motjhoporwa ho bua le Modimo, ka tshusumetso ya Hae. A ena le mokgwa wa ho itlosa tseleng le ho dumella Lentswe la Modimo ho kena. Elellwang kamoo ba—kamoo ba ttileng ho mmotsa ba tswa Botjhabela le ho tswa Bophirima, batho ba mmatla kahobane ba tsebile hore seo Jobo a se buileng e ne e le Nnete. Ba tsebile hobane monna eo o ne a bolela Nnete. Hobane, seo a se porofetileng, ke sona se etsahetseng! Mme ka hona batho ba tswa Botjhabela le Bophirima.

⁹⁰ A re enereha a ya dimarakeng, dikgosana tse ntjha tse tswang Botjhabela di ne di mo kgumamela, ho utlwa lentswe le le leng feela la kgothatso ho tswa ho yena, bohlale ba hae bo boholo le bo phahameng, hobane ba tsebile monna eo a tshephahala. A sa batle ho iphafa, a sa qeke, a sa thinyetse mantswe, e le moporofeta ya tshepehang ho Modimo. Mme ba ne ba mo tshepa, mme e mong le e mong a tswa Botjhabela le Bophirima ho qoqa le yena nakwana feela. Ho buuwa ka yena, kahara Bibebe mona. Empa, le a bona, a mpa a haellwa ke tshusumetso e mmolellang hore sena sohle se ne se bolelang. Modimo o ile a e dumella, ha a ka a mmolella.

⁹¹ Yaba, tsatsi le leng, re fumana hore tabeng eo, ke mohla...Motho e mong le e mong, hang ha o kgona ho ba thusa, “Ho lokile.” Empa ha ba batla ho o hanyetsa, ke mohla mathata a kenang. Empa ke yena a nnotshi a tsebileng hobane

o nepile; ho futha ha tumelo ya hae, ya ho utlwa Lentswe la Modimo le bua le yena, o tsebile hobane E ne e le Nnete. E, monghadi! O ne a tseba Kodu ya Modimo. Ho se motho ya ka mo thetsang ka Yona, hobane o ne a E tseba. E... Empa nako le nako ha o...ha o senoletswe taba, mohlolomong e fapane le seo batho ba se nahantan... Jwale, ke bua motjheng wa baporofeta. Ha e le Modimo ya senolang taba, etswe, ha ho ena le sephiri se tswang ho Modimo se lokela ho tsebiswa batho, se ke ke sa tla ka koleshe ya thupelo, se ke ke sa tla ka sehlopha sa batho, ha eso etsahale. Kamehla se tla kgona, se nnile, mme se tla, se ye se tle ka motho a le mong, moporofeta! Amose 3:7, le a bona, "Morena ha a etse letho pele A Le senolela bahlanka ba Hae baporofeta."

⁹² Mme, jwale, Jobo o ne a ena le phoso e nngwe, empa a sa kgone ho fumana tshusumetso hodima hae, mme e ne e mo tshwenya, mme hoo...ha o fihla sekgoqetsaneng seo, ke mohla sera se kenang motswalleng e mong le e mong, mohlolomong, eo o nang le yena. Mme ba qala ba mo qosa. Oh, ho tlamehile ho be ho ne ho mo nyarosa ho tseba metswalle ya hae e mo qosang, yaba Satane o a tloha mme a ikopanya le sera. Ke mohla Satane a kenang, "Ako mphe yena, ke tla etsa hore a O rohake Wena... Ke tla etsa hore a latole Molaetsa wa hae. Ke tla etsa hore a O rohake. Ke tla etsa hore a kgutle mme a re 'O ne o fosahetse wohle.'" Yaba o mo leka ka ntho tsohle tseo a di kgonneng, ho fihla ho banna bohole ba phahameng le bao e neng e le metswalle ya hae. Empa Jobo a ema a tsepamisitse maoto, hoba a tsebile hore o utlwile Kodu ya Modimo!

⁹³ Oho Modimo, ako thuse, hosane bosiu, hore ke fihle hoo *Mapheyo A Leeba*. Le a bona, ke utlwile Kodu ya Modimo e bua taba, mme etla hlaha ka tsela eo! Jwalokaha tse ding tsena tsohle di hlahile, e tlilo etsahala!

⁹⁴ Jwale, Jobo o tsebile hobane e tla hlaha. Mme o tsebile hobane Modimo o mmoleletse hore, hore o ne a "lokile." Ba mpa ba mo etsa moetsadibe, ka baka leo a emela tshusumetso. Satane a kenya tsohle e—e batho bohole mme a tla ka... batshedisi ba hae, ba bitswang jwalo, mme ba mo qosa, empa ha e a ka ya mo sisinya le hanyenyane. Empa eitseha Lentswe la Modimo le netefaletswa yena... O ne a kile a utlwa tsa Modimo ka kutlo ya tsebe, empa ka tsatsi le leng mohla a ne a dutse kgutwaneng se tlase-tlase... Mme yare a sa dutse mono, mme motho e mong le e mong a mo qosa, esita le mofumahadi wa hae a re ho yena o "phoso," o ne a ikgwabitla mathopa. Mme Elihu a theoha mme a mo kgalema ka boitshepo ba hae, mabapi le kamoo a neng a qosa Modimo le jwalo-jwalo.

⁹⁵ Mme yaba lekgatheng leo tshusumetso e a mo kgahlola, ke mohla lehadima le qalang le hadima, diaduma di qala di rora, ke mohla tshusumetso e ne e kgahlola moporofeta, mme

a ema, mme a re, “Ke a tseba Molopolli wa ka o a phela! Mme matsatsing a qetelo O tla ema hodima lefatshe lena. Leha diboko tsa letlalo di senya mmele wona, empa ke tla bona Modimo ke le nameng, Eo ke tla mmona ka bona.”

⁹⁶ O bone... Esale a bua ka difate, bophelo ba dimela, kamoo se shwang kateng mme se boela se phela; metsi a boela a se kgutlisa, monko wa metsi, lephoka la metsi, sephetho sa metsi ha a tsholohela hodima sefate kapa ntho e nngwe, peo e keneng mobung. O itse, “Empa motho o a robala mme o neela moyo, bana ba hae leha ba hlomphuwa ha a tsebe. Oho hola O ka mpata nqalong ya bafu” (Jobo 14) “kahlolo ya Hao ya ba ya feta.” A re, “Empa motho ha a shwa, na o tla boela a phela? Ke be nka mamella ka matsatsi wohle a ntwa ya ka, ho be ho fihle se seng bakeng sa ka. O ne o tla mpitsa, ke ne ke tla araba. O beile moedi oo nke keng ka o tlola,” jwalo-jwalo. O ne a tseba dintho tsena tsohle. A ile a sheba sefate ha se phela, empa ho etsahala'ng ka motho ha a shwa? Ha a boele a tsoha. Ka baka leo, Modimo o ne a mmontsha Molopolli enwa.

⁹⁷ O ne a batlile ho bona haekaba motho a le teng ya ka mo emelang dipakeng. A kile a buella batho ba bangata, empa jwale na o teng ya ka mmuellang? Na o teng ya beng a ka bea letsoho la hae hodima Jobo, kapa hodima motho ya tletseng sebe homme Modimo o Halalelang, a be a fetole borogo tsela? Na o be a ka ya tlung ya Hae mme a kokote monyako? Na O be a tla bula monyako mme a qoqe le yena nakwana?

⁹⁸ Empa, yaba, tshusumetso e rothela pelong ya hae, yaba o bona Modimo. Mahadima a tsekema, diaduma di a rora. Mme ha e etsahetse, a raoha ka maoto a hae, mme a re, “Ke a tseba hoba Molopolli wa ka o a phela! Molopolli wa ka, mme matsatsing a qetelo O tla ema lefatsheng.” Le a bona, a se a qadile ho bona puseletso ya Modimo nqa tumelo ya hae.

⁹⁹ Jwale, re a ipotsa ebe na re ka bona Modimo. Ebe mokgwa wa ho Mmona o teng na? Jwale, Modimo o ne a e sebeditse jwalo, a laya Jobo. O itse, “Ke utlwile tsa Hao, ka kutlo ya tsebe, empa jwale ke a O bona. Empa jwale ke O bona, ka mahlo a ka.” Pono ya tse sa bonweng e hlakisitswe. A bona maru a phethoha, a utlwa lehadima le tsekema, kapa a le bona. Mme a bona ho thwathwaretsa ha seaduma, mohlomong e le letsatsi le seleng, mme a bona Modimo a le hara lero le kahara lehadima leo. A bona Modimo, ka leihlo la hae la nama. Le a bona, hobane tse sa bonweng di ne di fetotswe tse bonwang. Pono e bonwang ya ba bang ya netefaletswa, leihlong la nama, ka ho hlaka.

¹⁰⁰ Ho tshwana le tumelo ka mesebetsi, jwalokaha re buile maobane bosiu. Abrahama, ho se... o ne a sena Bibele a e balang, empa e le moporofeta, pono ya hae le tumelo ya hae. Mme kakanyo ya hae ho ba bang ya ka e fositse, haele moo a

hopotse hobane o tla fumana lesea. Empa ba ile ba fumana lesea, hobane o ne a bua ka pono ya hae ya lesea, "Ke tla le fumana! Ke tla le fumana!" Empa mohla lesea le ne le tswalwa, ya eba hona batho ba bonang ka leihlo seo a se boneng ka pono. Mme ha o nka kgato hodima seo o se dumelang pelong ya hao, ke moo batho ba tsebang Modimo, mme ba tseba se etsahalang ho wena, kamoo o itshwarang kateng. Ke kamoo o bonang Modimo ka leihlo. Empa ho yena, leha kwana a entse se lokileng, tsohle tseo a di etseditseng ba bang, o ne a hloka motho ya mo emelang dipakeng. Eitse ha lesea le tswalwa, Isaaka, e-e tthusumetso e mo tataiseditseng mona e ne e netefaditse pono ya hae hofihlela batho ba bang ba bona hore seo a se boneng ponong e ne ehlide e le Nnete.

¹⁰¹ Jwale, ka dinako tse ding ho futha ho hoholo hona ha tumelo ho fihla mehleng ya tllokotsi hantle. Ka tlwaelo tllokotsi ke yona e re kgannelang tabeng ena. Tlokotsi ke yona e kgannetseng Jobo ho yona. Kgele, o ne a le pheletsong ya bophelo ba hae. Bana ba hae ba shwele; dikamele tsa hae. Mme maruo a hae wohle keha a fedile mme a senyehile. Mme esita le bophelo ba hae, mathopa a siphoha ho qala moqhakeng wa hlooho ho isa bohatong ba maoto a hae. E ne e le tllokotsi, haele moo a ikgothomeditse pele, ke hona moo tthusumetso e mo kgahlotseng teng.

¹⁰² Oho monna le basadi, bosius bona, hola le ka qamaka mme la bona kamoo ho Kgutla ha Morena ho atametseng kateng. Lona ba kgesitseng kolobetso ya Moya o Halalelang. Ekaba o nnile wa itshetleha ka tthisimoho, kapa ntho eo o e entseng eo Satane a ka e qopitsang, mme o sa kgone ho kenya Moya wa sebele ka ho wena ho tsamaya tsela yohle ho kena ditshepisong tsa Modimo. Motho ya itlalehang a ena le Moya o Halalelang a ka hla a latola Lentswe le le leng la Bibele ena, le sa, "nephala"? O ke ke wa e etsa!

¹⁰³ Ho sa tsotelehe o morapedi ya mokae, o setho sa dikereke tse kae, o ngotse lebitso la hao dibukeng tse kae, ha Moya o Halalelang oo wa makgonthe o le ka ho wena (e leng Lentswe lena le bonahaditsweng), o tla bona Molaetsa le hora, hobane Moya o Halalelang ke wona o e etsang. Empa ntho e hotetsang seo e tlameha ho ba teng, tthusumetso e kgahlolang wena. Mme haeba ho ena le . . . ha o tshela metsi mobung, mobung, mobung, mme ho se peo ho e kgahlola, eka kgona jwang ho hlahisa letho? Ha ho letho mono ho hlahiswa. Ke hore, ke Bakgethwa ba Modimo ba nnotshi ba tlang ho O bona.

¹⁰⁴ Bakgethwa ba Modimo ba O bone nakong ya Nohe, nakong ya Moshe, nakong ya Jesu, nakong ya baapostola, nakong ya Luther, nakong ya Wesley, nakong ya Pentekosta, hoba e ne e le Peo e hodima lefatsho mohla tthusumetso ena e neng e tshollwa. Jwale nakong eo tthusumetso e tshollwang ka yona,

ho bokanya Monyaduwa mmoho, ke Bakgethwa feela ba tla O bona. Jesu o itse, “Ke a O leboha, Ntate, hobane ditaba tsena O di patetse mahlo a ba bohlale le ba masene, le ho O senolela masea a batlang ho ithuta.” Jwale, tshusumetso e tlameha ho e kgahlola.

¹⁰⁵ Jwale, eitseha tshusumetso e mo kgahlola, yaba ke phetho. Keha a O fumane he! Jwale, re a fumana, hore nako ya koduwa tsena e ye e fihle mohla kgatello e theohang. Mme o ka qamaka kajeno, sheba maemo ao re phelang ho wona. Na ha re phele hara Sodoma le Gomora tsa sejwale-jwale? Na lefatshe ha le a kgutla hape? Lefatshe le neng le senngwe e ne e le la Baditjhaba mohlang oo, ka mollo. Na Jesu ha a bua, ho Mohal. Luka, kgaolo ya 17, temana ya 28, ya 29, le ya 30, ho re, “Jwaloka mehleng ya Sodoma, ho tla ba jwalo mehleng ya ho tla ha Mora motho, mohla Mora motho a senolwang”? Ho “senola” ke’ng? Ke sephiri se tsebahatswang, tshenolo; ke ho senola kapa ho tsebahatsa sephiri.

¹⁰⁶ Jwale, dintho tsena esale di patwa mengwaheng yohle ya kereke di a senolwa jwale, ho tsebahatswa. Jwale, re ka rialo, mme ha Modimo a sa e tshehetse, e phoso. Le a bona, Modimo ha o hloke motho ho toloka Lentswe la Hae, Ke toloko ka Sebele sa Hae. O itse, “Morwetsana o tla emola,” mme o e entse. O itse, “Lesedi le be teng,” mme la eba teng. Mme ha re phele mongwaheng wa Luther, mongwaheng wa Wesley, kapa mongwaheng wa Pentekosta. Mongwaha wa Pentekosta e ne e mpa e le kgutlisetso ya dineo kahara kereke, empa re phela nakong ya mantsiboya, re phela nakong ya ho bitswa ha Monyaduwa.

¹⁰⁷ Mme jwalokaha Makatolike a ile a thatafallwa ho bona Luther, le ba ha Luther ho bona Wesley, le Penteko...ba ha Wesley ho bona mongwaha wa Pentekosta, ho thata hakaalo ho Mapentekosta ho bona mongwaha *wona*. Haesale ho dutse ho le jwalo, hobane O tshollelwa hodima Peo e Kgethiltweng, homme yona feela. Ke seo Bibele e se rutang. Ha ba kgone ho O bona, esita le Jesu o ba rapeletse, ho re, “Ba ne ba foufetse, ha ba ka ba e tseba.” Tshenolo e a re bolella, mongwaheng *wona* wa kereke ya Laodisea, mohla A ne a fihla, ho ntshetswa kantle ho kereke, ho re ba “feela! futsanehile! madimabe! sefofu! mme ha ba tsebe.” E boetse e iphetile, ha ba E bone, ha ba E utlwisise. Ba koboteditswe ke meetlo!

¹⁰⁸ Empa hopolang Lentswe la Modimo le tshepisitsweng ke molomo wa Jesu Kreste, wona Modimo o hlodileng popo ka polelo, ke Yena Ya buileng mantswe ana pele lefatshe le thewa “Mme ho ke ho hlahe hore,” mme ha eba jwalo. Hoba O itse, “O ne a le lefatsheng, mme lefatshe le ne le etswe ke Yena, mme lefatshe ha le a ka la Mo tseba. Empa ba Mo tsebileng, O ba neile matla a ho ba bara ba Modimo.” Yena Mmopi, homme

yena Mmopi ka Sebele, mohla A neng a tsosa Lazaro bafung, O itse, "Se makaleng, hoba hora ya tla moo bohole ba lebitleng ba tleng ho utlwa Kodu ya Mora motho, mme ba tswe teng," Wona Modimo o itseng "Lesedi le be teng," o itse "Kodu ya Mora motho e tla ba tsosa lebitleng." E tlamehile ho etsahala sehleng sa yona. O buile, "E motona le e motshehadi ba be teng," le jwalo-jwalo, le sena sohle, dilemo le makgolo a dilemo pele e etsahala.

¹⁰⁹ Tshusumetso e kile ya kgahlola moporofeta Esaia, a re, "Re tswaletswe ngwana, re neilwe mora. Lebitso la Hae o tla bitswa Moeletsi, Kgosana ya Kgotsi, Modimo o Matla, Rabosafeleng." Dilemo tsa feta, dikgwedi, dilemo, matsatsi, diveke, dilemo tsa nna tsa thettheha, dilemo tse makgolo tsa nna tsa thettheha. Dilemo tse makgolo a robedi hamorao, Emmanuel a tswalwa ke morwetsana! Hobaneng? Ke kahobane e ne e builwe ke melomo ya moporofeta ya tlotsitsweng wa Modimo, peo e ile ya tswa. Le a bona? "Mme hora e kgolo eo," ho re, "na o ka batla...ako Nkope pono kapa pontsho."

¹¹⁰ A re, "Ke tla ba fa pontsho, pontsho ya kamehla, 'Morwetsana o tla emola,' pontsho ya kamehla."

¹¹¹ Jwale, re fumana hobane dihoreng tseo tsa kgatello e thata, ka tlwaelo ke hona mohla Moya wa Modimo o kenang kahare. O ne a dumelle bana ba Baheberu ho kena hantle seboping sa mollo, le pele A ka sisinya letsoho. Empa ha A tsamaya, O a tsamaya.

¹¹² Jwale, re elellwa mona ho Luka, e—e kgaolong ya 17, le temaneng ya 30, hore O itse, "Matsatsing a qetelo, Mora motho o tla Itshenola jwalokaha A entse pele ho Sodoma le Gomora, mme maemo a tshwanang a tla iphetha." O buile ka Moshe, ka... mme ke kopa tshwarelo, e seng ka Moshe, empa ka Nohe. Kamoo batho ba neng ba "eja, ba enwa, le jwalo-jwalo, ba nyala mme ba ineetse lenyalong." Yaba O a fetoha, A re, "Jwale, jwaloka matsatsing a Lota, ho tla ba jwalo mohla Mora motho a senolwang." Jwale, shebang, Mora motho o ne a senolelwé seholophya sa Abrahama, jwaloka monna, moporofeta ka sebopheho sa nama ya motho, monna ya tlwaelehileng a tletse lerole diaparong tsa Hae, mme Abrahama a Mmitsa "Elohim."

¹¹³ Jwale, Jesu o tshepisitse matsatsing a qetelo hore Mora motho o tla boela a senolwa seholopheng sa mofuta oo, Peo ya borena ya Abrahama, pejana feela mollo o tsholoha. Hopolang, kereke ha ya ka ya fuwa dipaki tse ding, ke bolela Abrahama le bao, mora wa pallo eo ba neng ba mo emetse a tliswa hang kamora moo. Mme kereke e emetse Mora wa Pallo, O tla hlaha kapele hang hoba matsatsi a tshebetso ena a fete, O tla senolwa ho tswa mahodimong. Jwale, re e bona ka ho hlaka ho hoholo, e tlamehile jwalo. Jwale, ntho feela e tlamehang ho fihla ke ho

futha, ho kenang ka ho motho, Modimo o a netefatsa mme o a mmolella o bile o mmontsha e le yona ntho e tlamehang ho etsahala; le hore o tliolo... .

¹¹⁴ Jwalokaha Moshe a entse, o ne a sa batle ho holla bana bao, empa Modimo wa bua le yena sehlahleng se tukang. O ne a sa batle ho ya, empa o ne a tlamehile ho ya. Moshe o ne a utlwile hore Ke Jehova e moholo. Empa yaba o kgona ho Mmona, O ne a le sebopehong sa Topallo ya Mollo. “Ke utlwile tsa Hao, empa jwale ke a O bona.” O ile A bonwa kahara eng? Lentswe la Hae le netefaditsweng.

¹¹⁵ Modimo o no o boleletse Abrahama “setjhaba sa habo se tla jaka naheng esele ka dilemo tse makgolo a mane, empa O tla se ntsha ka letsoho le matla.”

¹¹⁶ Mme, elellwang, sehlahlala se tukang sena se netefaditse seo moporofeta Abrahama a itseng se tla etsahala. Moshe o itse, “Ke utlwile ka yona, empa jwale ke a e bona!”

¹¹⁷ Jwale, rona *re se re* utlwile hobane matsatsing a qetelo Mora motho o tla kena hara batho ba Hae le ho Itshenolela batho kamoo A entsweng mono... pejana ho tshenyeho ya Sodoma. Mora motho, O ile a etsang? O tsebile merero e dutseng pelong ya Sara. Le ho boela a fa Abrahama tshepiso. Abrahama a kile a utlwa Kodu ya Modimo, mohlomong o Mmone ka mekgwa e mengata e fapaneng (ha ke tsebe hore O buile jwang le yena, ka ditoro kapa ka diporofeto), empa kgetlong lena o Mmone. “Ke utlwile tsa Hao, jwale ke a O bona.”

¹¹⁸ Mme kereke e utlwile tsa Modimo, ba badile ka Yena, le seo A se entseng, le ditshepiso tseo A di entseng, empa jwale re Mmona ka mahlo a rona (jwalokaha Jobo a entse), “Ke utlwile tsa Hao, empa jwale ke a O bona.” Kgele! Ho fapane hakae.

¹¹⁹ Moshe, hara koduwa eo, o ile a howeletsa. Mme re a fumana, ho Exoda, kgaolo ya 14, temaya ya 13 ho fihla ho ya 16, Moshe mehleng ya kgatello e kgolo eo mono mmoho le bana ba Israele, o ile a kgahlolwa ke tshusumetso, mme a bua seo a neng a loketse ho se bua, a sa tsebe hobane o se buile. Le a bona, “Emang le bone poloko ya Modimo.” Modimo o ne a eso bue le yena le jwale. Le a bona, tshusumetso e ile ya mo kgahlola.

¹²⁰ Ba itse, “Hobaneng o re tlisitse kwano? Re ka be re shwetse Egepeta. Ana ke hore mabitla a ne a le siyo mono? O re tlisitse kwano, hore re tle re shwe; re ka be re phetse ka kgotso re le makgoba ho fihlela re shwa, empa o re tlisitse mona.”

¹²¹ Moshe, moporofeta, erekaha a tsebile hobane o kile a atamela Modimo, o ne a buduletswe, mme o itse, “Emang mme le tla bona pholoso ya Modimo; hoba Baegepeta bao le ba

shebileng kajeno, ha le sa tla ba bona hape.” O tsebile jwang hore e tla etsahala? O e tsebile jwang? Ha a tseba seo a se buileng.

¹²² Empa hang feelsa hoba a e bue, Modimo wa mmolella hore a e etse jwang. Ho re, “Moshe, o se ke wa hweletsa ho Nna, nka lere la hao letsohong la hao mme o le otlolele hodima lewatle, mme o laele bana ba Israele ho ‘Tsamaya!’” Amen!

¹²³ Tshusumetso! E o fihlela jwalo leha o kula. E o fihlela jwalo ha o le mahlomoleng. O senoletswe ntho e nngwe, mme o a e bona hore e senotswe, o a bua, “Ke fodile!”

¹²⁴ Ebe ke moo Modimo a o bolellang hore o etseng, “Ema mme o qale o tsamaye.” Amen! Eba ho fedile, ha o ka kgona ho e sebetsa jwalo. Modimo o e sebetsa jwalo, ebe o bona Modimo a bonahaditswe ka wena.

¹²⁵ Ke Modimo o mo laetseng ho e etsa. Jwale, he, bohle ba neng ba le teng, Israele yohle e neng e le teng e bone tshusumetso e teileng Moshe. Ba bone Modimo, ka leihlo la bona ka sebele, a butshwela metsi ao ho tswa lehlakoreng le leng ho ya ho le leng. Mme Topallo eo ya Mollo e ba tataiseditse hantle ho parola e—e lewatle. O ne a utlwile tsa Modimo, yaba ba bona Modimo.

¹²⁶ Joshua o ne a le horeng ya tllokotsi, mohla mabotho a dikelweng, mme letsatsi le dikela. Joshua e ne e le moporofeta, mme o tsebile hore ha mabotho a ka boela a kopana mme a ema kgahlano le yena, a ka lahlehelwa ke banna ba bangata, ka hona horeng eo ya tllokotsi mohla ntho e neng e tlameha ho etswa . . . Ntho e nngwe feelsa, hola feelsa re ka nna ra ba qobokisa, o ne a ka ba fanya, e mong le e mong, ho theoha. Empa lesedi le ne sa lekana ho etsa hoo, ka hona Joshua a ema, a phahamisa matsoho a hae, a re, “Letsatsi, ema! Mme wena kgwedi, o lopaloe hodima Ajalone ke be ke qete ntwa ena.” Mme letsatsi la ema. Ba utlwile Joshua a bua, mme ba bona Modimo (ka mahlo a bona) kgatong. Ka nepo!

¹²⁷ Le a bona, ehlide, e ne e le mohlolahadi ho bona ntho e shebahalang e ke ke ya etsahala, empa e le nnete. Empa, “Letsatsi le ile la ema,” Bibele e rialo. Ha ke tsebe hore le nahanglon batho, ba nahanglon hore lefatshe le ne le matha, jwale; empa, leha ho le jwalo, “letsatsi le ile la ema.” Mohlomong Joshua ha a ka a leka ho lekanya kamoo a tla—tla e etsa kateng, kamoo Modimo a tlang ho e etsa kateng, ntho feelsa a e buileng e le ho re, “Letsatsi ema!” O e buile, mohlomong a sa tsebe le seo a se buang, hoba a ne a e filwe ke Modimo, mme A sebetsa.

¹²⁸ Ke ntho e tshwanang ho Mareka 11:23, “Ha o ka re ho thaba ena ‘sutha,’ mme o sa belaile pelong ya hao, o mpa o dumela hobane seo o se buileng se tla hlaha, o ka fumana seo

o se buileng." Empa o ke ke wa ema mono wa lwebehlana ka kelellong mme wa e bua, ho e bua o tlameha hore o be o buduletswe. Amen!

¹²⁹ Tshwarelang tlahiso ena; empa mohlang oo, mohla ke ne ke dutse merung (mme Modimo ke moahlodi wa ka, mme nka wa ka shwela sefaleng sena), mohla Lengolo leo esaleng le nkidibanya bophelo ba ka bohle...yare ke sa dutse mono morung hoseng hoo, mme ke nahanne taba eo, mme yaba Kodu e bua le nna, A re, "Lengolo leo le tshwana le Mangolo wohle, Ke nnete."

¹³⁰ Mme ka nahana, "Be, ho ka ba jwalo jwang?"

¹³¹ Mme A re, "Wena o a..." Ka re,...A re, "Bua, mme ho tla ba jwalo. O se ke wa E belaela."

¹³² Mme ke ne ke buisana le Motho e mong, ke dutse kwana merung. Dihlora di le siyo, esale ke dula mono matsatsi a mararo, dihlora ha di yo mono. Mme ke ne ke dutse moferong wa sikamora. Dihlora ha di ke di atamela...mang le mang ya tsomang dihlora, o a tseba hore ha di dule sikamoreng. Mme esale ke dula mono; mme moyo o foka ka matla, ekaba hora ya leshome hoseng, mme ka boela ka nahana.

¹³³ Mme Ya re, "O ntse o tsoma, mme o hloka dihlora jwalekaha Abraham a ne a hloka pheleu."

¹³⁴ Ka nahana, "Esale hoo ho mpoleletse Nnete, empa hona ho utlwahala ho makatsa." Mme ka ema moo ke neng ke dutse teng, ka qamaka, "O kae Motho ya neng a bua le nna?" Ho se letho; moyo o ntse o foka ka matla. Mme ka nahana, "Na ebe ke ile ka kgaleha mme ka lora hoo? Tjhe, ke ne ke sa kgaleha. Ke ne ke itshetlehile ka sefate, ke shebile, ke loketse ho lata Moena Woods le Moena Sothmann morao mono, nakwaneng feela, ekaba hora ya leshome hoseng. Dihwai di ne di le kantle mono di ntse di sebetsa, di bokella koro ya bona."

¹³⁵ Mme ka boela ka E utlwa, ho re, "O ntse o tsoma, mme o hloka letsholo. O hloka tse kae?"

¹³⁶ Mme ka nahana, "Jwale, ha ke batle ho e tlodisa ho feta tekano, ke tlilo kopa tse tharo, dihlora tse tharo. Ke batla dihlora tse ntjha tse tharo, tse kgubedu. Ke a di batla."

¹³⁷ A re, "Jwale bua ka yona he."

¹³⁸ Mme ka re, "Ke tlilo fumana dihlora tse ntjha tse tharo tse kgubedu."

¹³⁹ A re, "Tsona di tla hlaha nqa efe?"

¹⁴⁰ "Be," ka nahana, "Ke tsamaile hakana, ho na le Ntho e buang le nna mona." Jwalekaha le nkutlwa ke bua feela. Mme Modimo o Lehodimong, ka Bibele ena e hodima pelo ya ka, o a tseba hore ke nnete. Mme O ile a...Mme ka re, "Be,..."

Ka kgetha sebaka se bosawana, lekala la kgale le ommeng le leketlileng mono (dijareteng tse ka bang mashome a mahlano, moo sethunya sa ka se neng se tjhehetstswe teng).

¹⁴¹ Ka re, “Sa pele se tla dula mono hantle,” mme ke seo se hlaha.

¹⁴² Ka pikitla mahlo a ka mme ka sheba morao (ka thintsha hlooho ya ka), mme ka nahana, “Ha ke batle ho thunya pono.” Ka hona ka boela ka sheba, mme sehlora keha se dutse mono. Ka lahlela kgaketlana ka sethunyeng sa ka, ka se tsepamisa, mme ka bona leihlo la sona le letshwana, sehloro se setjha se sefubedu. Ka nahana, “Ke—ke...mohlomong ke robetse, ke—ke phaphama metsotsong e mmalwa. Le a bona, ke ntse ke lora taba ena.” Be, ka se batalatsa, ka thunya sehlora mme sa wa lekaleng. Ka nahana, “Be, ha ke tsebe.” Ka nahana, “Be, na ebe nka ya se sheba?” Mme—mme yaba ke toba nqa eo, mme ke seo moo se robetseng teng. Ka se phahamisa mme madi a phorosela ho sona. Pono ha e fophe madi, le a tseba. Ka hona ka se phahamisa, mme keha e le sehlora. Ka hla ka shwa bohatsu, hohle.

¹⁴³ Mme ka qamaka, ka re, “Modimo, e ne e le Wena eo!” Ka re, “Ke a O leboha, ka sena. Jwale ke tla tswa mme...”

¹⁴⁴ A re, “Empa o se o e *boletse!* Ana o belaela seo o se boletseng? O itse o tla fumana tse ‘tharo.’ Jwale se latelang se tla hlaha le kae?”

¹⁴⁵ Ka nahana, “Be, haeba ke ntse ke lora, ke tla tswelapele.”

¹⁴⁶ Ka hona ka—ka re...Ka kgetha palo sekoqo sa kgale ntle mono, sa sefate se haretsweng hohle ke poison ivy ena. Ha le ke le fumana sehlora mono. Ka hona ka re, “Se latelang se tla hlaha hantle mono poison ivy,” mme mono keha ho dutse sehlora se setjha se sefubedu se ntjhebile. Ka theola sethunyeng sa ka, mme ka pikitla mahlo a ka. Ho retoloha hape, ka nahana...Ke seo moo se dutse, se shebile lehlakoreng. Ka thunya sehlora, mme yaba ke qala ke ya hae.

¹⁴⁷ Empa ha thwe, “O itse ‘tharo’! Ana o belaela seo o se boletseng?”

¹⁴⁸ Ka re, “Tjhe, Morena, ha ke belaele seo ke se boletseng, hobane O ntse o thasisetsa.”

Lengolo le le leng lena esale le ntharile: “E seng ha *Nka* re, empa ha o ka re.” E seng ha *Jesu* a e buile, empa ha o e buile ka bowena.

¹⁴⁹ Mme ka nahana, “Kea tseba hore ke phunyeleditsitse kanaleng eo ka mokgwa o itseng, mme kea tseba hore O teng mona hobane ke batla ke sa iphumane.” Ka nahana, “Ena ke tla hle ke e etse e ikgethileng, ehlile bo.”

Ka re, “Ho tla hlaha, sehlora se sefubedu se tla theoha leralleng *lane*, ho theoha ka tsela *ena*, mme se fete hantle pela ka, mme se tswe, se dule hodima lekala *lane*, mme se shebe rapolasi *yane*.” Ke sena se theosa leralla, sa tswa hantle, mme sa dula, sa sheba rapolasi. Mme ka se thunya.

¹⁵⁰ Satane a re ho nna, “O a tseba ke’ng? Moru o tletse tsona, jwale.” Mme ka dula mono hofihlela hora ya leshome le pedi, mme ha ho a etsahala letho. Ho a bontsha hore ha Modimo... Ke Yena mohlodi wa mahodimo le lefatshe!

¹⁵¹ Kwana Jeffersonville hona jwale, ho na le lelapa le mametseng, le bitswang Wright. Nna le Moena Woods re ne re theohile ho ya ba bona. Ba etsetsa kereke veine ya selallo. Edith e monyenyanne o ne a dutse ka phaposing ka mono; ngwanyana ya holofetseng, esale a kula bophelo ba hae bohole, ka hona esale re leletse ho Modimo ho mo fodisa. Kgaitsedi ya hae, mohlolahadi, monna wa hae o sa na a shwe; lebitso la hae e ne e le Hattie, mosajana ya ithobileng haholo. Mme yare nna le Moena Banks re sa tswile ho mo fumanela mmutla, ba ne ba ile ba apeha cheri ya cobbler; mme ba ntudisa fatshe ho ja.

¹⁵² Re ne re dutse bohole re potile tafole, re qoqa ka taba ena, e sa tswa etsahala matsatsi a mmalwa pele ho moo. Mme yare ke sa dutse tafoleng, ke bua ka taba ena, hang feela ka re, “Ebe ho etsahetseng?” Ka re, “Moena Wright, o monna ya hodileng, o tsomme dihlora bophelo bohole ba hao. Moena Shelby, o setsomi se hlwahlwa sa dihlora. Moena Wood, le wena. Ke di tsomme ho tloha bongwaneng ba ka. Na o kile wa bona sehlora hodima sikamora le moferong wa tsie?”

¹⁵³ “Tjhe, monghadi.”

¹⁵⁴ Ka re, “Di ne di le siyo mono.” Ka re, “Ntho eo ke e tsebang feela, Ke Modimo o tshwanang feela. Mohla Abrahama a ne a hloka pheleu, E ne e le *Jehova-jireh*, O kgonne ho ‘Itlhahisetsa.’” Ka re, “Ke dumela hobane ke ntho e tshwanang.”

¹⁵⁵ Mme Hattie-nyana wa kgale ya dutseng morao mono, a re, “Moena Branham, ha se letho empa ke Nnete!”

¹⁵⁶ A bua taba e tshwaneleheng! Eitseha a rialo, Moya o Halalelang wa boela wa theohela kahara kanale eo, e mong le e mong a ba a O utlwa. Ke ile ka ema, ka re, “Kgaitsedi Hattie, HO RIALO MORENA, o buile taba e tshwaneleheng jwaloka mosadi wa Serofenisia ha a buile. Moya o Halalelang o bua le nna hona jwale, mme o itse ke o fe takatso ya pelo ya hao.” Ka re, “Jwale, haeba ke le mohlanka wa Modimo, haeba ho le jwalo, e tla etsahala. Haeba ke se mohlanka wa Modimo, ke tla be ke le raleshano, mme e ke ke ya etsahala, ke mothetsi.” Ka re, “Jwale leka mme o bone, hore ke Moya wa Modimo kapa tjhe.”

¹⁵⁷ A re, “Moena Branham,” (motho e mong le e mong o ne a lla), ho re, “nka kopang?”

¹⁵⁸ Ka re, “O na le kgaitṣedi ya holofetseng ya dutseng mono.”

¹⁵⁹ Ke ne ke ena le didolara tse mashome a mabedi mokotleng wa ka, ho mo fa tsona, tseo a neng a di kentse monehelong. Mosadi eo ha a etse le didolara tse makgolo a mabedi ka selemo, polasing e nyenyane, ya kgale, e futsanehileng, yena le bashanyana ba babedi. Bashanyana ba hae ba ne ba fetohile bo ‘Ricky,’ matsatsing a sekolo, le a tseba, mme ba hlapaola mma bona; mme ba dilemo tse leshome le metso e mehlano, tse leshome le metso e tsheletseng. Mme, oh, keha ba eme mono mme ba seo ke se buang ditsheho.

¹⁶⁰ Mme ka re, “O na le ntate le mme ya dutseng mona a tsofetse. Ha o na tjhelete. Kopa tjhelete, mme o shebe hore ha e dule hodima hao na. Kopela kgaitṣedi ya hao, mme o shebe hore ha a eme mme a tsamaye na.” Mme ka tseba ke hona he, jwaloka Jobo, o tseba ntho e nngwe ha o thulana le yona. Ho re, “Ke a tseba! Ke nna enwa ke ema hara batho ba ka bang leshome,” ke re, “haeba e sa etsahale, ke tla be ke le moporofeta wa bohata.”

¹⁶¹ Ho re, “Nka kopang?”

¹⁶² Ka re, “Ke wena ya ka etsang qeto ya hao. Nke ke ka o etsetsa qeto.”

¹⁶³ O ile a qamaka, mosajana eo. Mme hang, a re, “Moena Branham, takatso e kgolohadi ya pelo yaka ke pholoso ya bashanyana ba ka ba babedi.”

¹⁶⁴ Ka re, “Ke o fa bashanyana ba hao, ka Lebitso la Jesu Kreste.” Mme ba ne ba keketeha, ba tsheha, bashanyana ba somang bao ba itihela mafareng a mma bona, mme ba nehela bophelo ba bona ho Modimo, mme ba tlatswa ka Moya o Halalelang hona moo.

¹⁶⁵ Hobaneng? Ke Nnete! Modimo o na le matla a ho mpolaya, ka pela batho bana naha bophara. Bongata ba lona mona le kwana Jeffersonville, ke utlwa ha tabernakèle e tjodietsa hona jwale, “Amen!” hoba ba dutse ba ntse ba mametse mona hona jwale. Le a bona, hobane ke Nnete! Ke eng? Keha Modimo, ka mohau wa boikemeleo ba Hae; e a etsahala! Kathoko ho moo, e ke ke ya etsahala.

¹⁶⁶ Motsotsong oo o mahlonoko... Nahanang ka nna le ka batho bao ke ba tlwaetseng. Modimo o feta dikgalala tsohle mohwalotso, le ntho e nngwe le e nngwe, ho fa mosajana wa mofutsana, ya ithobileng, a sa kgoneng le ho saena lebitso la hae; mme O tsebile seo a tlang ho se kopa. Mme e ne e le ntho e kgolohadi; hobane jwale kgaitṣedi ya hae e shwele, le mmae le ntatae ba tlameha ho shwa, tjheletse e ka be e ne e timele, empa meya ya moshanyana wa hae e phela Bosafeleng! Mme eo e ne e le hora ya hore ba Bo fumane. Mme hang feela ha ke re, “Ke o nea bashanyana ba hao, ka Lebitso la Jesu Kreste,” ke

bao ba itihela hodima mme wa bona. Ke ba bakae ka mona ba e tsebang e le Nnete, le a e tseba? Le a bona, ke eo moo e leng teng. E. Hobaneng? Tshusumetso!

¹⁶⁷ Jwale: “Ke utlwile tsa Hao, hore O ka bopa dihlora; ke utlwile tsa Hao, hore O ka bopa pheleu; empa jwale ke a O bona, ka leihlo la ka!” Ponahahatso, pono e a hlakiswa. Modimo ha o tshepisa taba, ke sona seo A tlang ho se etsa.

¹⁶⁸ Lemohang, ha o hloka, mohlomong jwaleka Joshua. O ne a ena le tlhoko; ha a ka a nahana ka maemo, o ile a e bua, mme e ne e le Modimo! Le a dumela hore letsatsi le ile la ema? Le nna ke etsa jwalo. Le kgonne jwang ho etsa jwalo? O se ke wa leka ho e lekanya, empa le entse jwalo. Joshua o e entse, mme a phahamisa matsoho a hae; motsotsong o mahlonoko oo a atamela Modimo, mme ya eba sona se etsahalang. E ne e le nakong. Moya wa Modimo o Phelang o bone hlokahalo ya yona, mme wa susumetsa Joshua ho e bua. Wona Modimo oo o bone tlhoko ya Abrahama. Wona Modimo oo o bone hlokahalo ya ho ntetefaletsa Lengolo lena, hore Lengolo *leo* le nepahetse, le lona! Wona Modimo oo o bone tlhoko ya bashanyana ba babedi bao ba neng ba rerilwe esale pele, mme ka yona nako eo A paka mme A netefatsa Lentswe la Hae.

¹⁶⁹ Mohal. Mareka 14, re bona mosadi ya dumetseng ho Yena, o ne a ena le tlhoko mme o bone hore O ne a hloka ho hlatsuwa maoto a Hae, o ne a loketse ho susumetswa ho ikakgela mosebetsing. Jwale mamelang ka hlokomelo jwaloka ha...pele re kwala. O ne a tlameha ho sususmetswa ho ikakgela mosebetsing, hobane a ne a se a utlwile tsa Hae. O utlwile hobane “O tshwaretse mosadi wa dibe tse tshwanang le tsa hae, seotswa. Le ho re, ‘Ke mang hara lona ya se nang sebe? O ka lahlela lejwe la pele.’” O ne a utlwile ka Yena, empa jwale o Mmone. O ne a sususmeditswe ho Mo sebeletsa. Ke yona feela ntho eo le tlamehang ho ho ba yona.

¹⁷⁰ Ere Moya o Halalelang o o bolelle hore “O moetsadibe!” Ere Moya o Halalelang o o bolelle “O phoso!” Ere Moya o Halalelang o o kgodise ka Mangolo ho re “O phoso Mangolong!” Mme ke eng...hobane Wona o ye o fuduhe kanale e le nngwe feela e otlolohileng ya Lengolo ka leng la Modimo, O ke ke wa fapoha le ka mohla. Haeba u etsa, O ke ke wa o thusa ka letho. Hobane Moya o Halalelang o ka o budulela Lona, empa ha moya o sa loka ho Modimo, jwalokaha re fetile vekeng ena, ha e thusue letho le hona. Hopolang, ho tla hlaha batlotsuwa ba bohata matsatsing a qetelo; e seng boJesu ba bohata, bokreste ba bohata (batlotsuwa), mme ba tla thetsa Bakgethwa hola ke ntho e ka etswang.

¹⁷¹ Lemohang, o ne a batla ho Mo sebeletsa. O ne a utlwile tsa Hae, jwale o Mmone ka mahlo a hae. O ne a batla ho sebeletsa, mme a sa tshwara letho ho sebeletsa ka sona. Ka hona a

kgorohela pele leha ho le jwalo, ho sebeletsa, Modimo wa mo fa metsi le dithawele ho hlatswa maoto a Hae. O ne utlwile tsa Modimo o Phelang, bophelong ba hae bohole, empa jwale o Mmone ka mahlo a hae. O tsebile hore e ne e le Yena, mme tshusumetso ya mo fihlela, mme a re, “Moromuwa ke *Enwa!*” O ne a hloka ho sebeletswa (a se na seo a ka Mo sebeletsang ka sona), maoto a Hae a ne a le ditshila. Empa a kgorohela pele leha ho le jwalo, ho Mo sebeletsa, hoba a ne a susumedswe ho e etsa.

¹⁷² Oho wena setho se weleng sa kereke, monna wa phutheho ya bodumedi kapa mosadi, ana ha o bone tlhoko ya Jesu bosiung bona? Hola feela tshusumetso e ka fihlela, ena ke hora ya ho e etsa. Empa o Mmone ka mahlo a hae. Ba bang mono ba ne ba Mo soma. Ba sa dumele Molaetsa wa Hae. Ho bua nnete, mong'a ntlo, moruti mong'a ntlo, Simone wa kgale, o ne a Mo theoletse mono ho Mo soma. Ba ne ba sa dumele hore E ne e le moporofeta.

¹⁷³ Yaka Diabolosi o ne a e sebeditse hantle ka ho yena ho bua sena, o itse ka ho yena, “Holanne monna enwa e le moporofeta, o ne a tla tseba hore mosadi ya maotong a hae ke ya jwang. Holane e le moporofeta!” Le a bona, o ne a sa senolelwa hore E ne e le mang. Ho se tshusumetso e ka mo fihlelang, hoba ha ho letho mono ho fihlelanga le yona. Empa yena ya mo tea!

¹⁷⁴ Mahlo a hae a ne a bone ka nqane ho nyefolo ya hae. O dumetse hobane E ne e le yena, le a bona, Lentswe la baporofeta. O tsebile hobane Ao e ne le Mantswe wohle a baporofeta, a ne a netefaditswe ka ho Yena. O ne a utlwile hore O lefatsheng, empa jwale o a Mmona. Elellwang seo a se entseng. O bone Lentswe le entswe nama, Messia, Emmanuel. Eitseha a dumella ho futha ha tumelo ya hae (ha tshenolo ya seo A neng A le sona, nakong eo a neng a phela ho yona, hore E ne e le Konyana ya Modimo e etseditsweng badibe ba kang yena), a tloha ho sebeletsa dithloko tsa Hae a sa tsebe kamoo a tla kgona.

¹⁷⁵ Phodiso ya makgonthe e fihla jwalo, ha o senoletswe hobane “O tetekilwe ka baka la ditlolo tsa hao, ho otlwa ka baka la bokgopo ba hao, mme o fodisitswe ka maqeba a Hae.” Ha o buduletswe ho bona Boteng ba Hae mona, ba Mohal. Mareka 11...kapa Mohal. Luka 17:30, hore O tla Itshenola matsatsing a qetelo (hara batho ba Hae, ka nama ya motho) jwaloka ha A entse pele ho Sodoma. Ha o bona seo, mme ntho e nngwe e o kgahlola!

¹⁷⁶ Ngaka e ka re, “Mofetshe o sa le teng mono.”

¹⁷⁷ Mokudi a ka re, “Ke—ke—ke—ke—ke—ke ha ke tsebe hore ke tla tsamaya jwang, empa ke tlilo tsamaya leha ho le jwalo.” Ha re tsebe kamoo e tla kgonahala kateng.

¹⁷⁸ A kgoroha ho ya Mo sebeletsa, hobane tshusumetso e ne e Mo teile...e ne e teile yena, e ne e le yona hora eo, e ne

e le Moromuwa eo, e ne e le Messia ya tla fodisa, mme o E dumetse. Mme O ne a hloka mosebetsi o etsetswang Yena, mme a kgorohela pele ho se letho le supang hobane a ka e etsa. O ne a tsamaile ka tshusumetso ya hae feela. Lemohang! Modimo wa bula didiba tsa dipudulana tsa dikeledi mahlong a hae. Wona mahlo a neng a utlwile... ditsebe tse neng di Mo utlwile; mahlo a neng a E bone, a ile a phatlolwa ke nyakallo. E ntoo ba ntho e nngwe eo, moriri o molelele o abilweng ke Modimo, ha dikeledi di ntse di theoha. Modimo wa lokisa dithawele (ka moriri wa hae), le ka dikeledi tsa hae. A sebeletsa ditlhoko tsa Hae, tlhoko ya Modimo o Phelang. O ne a utlwile ka Yona, empa jwale o Mmone, a ka Mo sebeletsa.

¹⁷⁹ Oho moetsadibe! Hobaneng o sa etse jwalo athe o bona ditlhoko hona jwale? Hore O a o hloka, tshebeletso ya hao! Jwale o bona yena Eo, o kileng wa utlwa tsa Hae Bibeleng. Maobane bosiu re Mmone a kena ka mona, le seo A se entseng. Re a Mmona, kopano ka mora kopano, mme ka nako tse ding re dula re hatsetse mme ka monyemo, le ho re, "E, ke a tseba hore Lengolo le a e bua. Oh, ke—ke e bone e etswa, o a bona." Ha re na tjantjello, e bonahala e sa re otle ka tshwanelo. Ho bonahala ho se letho, ke mokana o tshollela...

¹⁸⁰ Ha o nka thutswana ya mollo o e kgwaritsa, ha thutswana e se na sebabole hlohong ya thutswana, e ke ke ya hotela. Mme o ka e hohla le ho hohle le ho hohla, empa haeba khemikale e itseng e bolaile sebabole mono, e ke ke ya hotela, lesedi le ke ke la tjhaba. Empa ha khemikale eo, ha sebabole se kgwaritsa tshepeng... se sa le teng mono ha e hohlana, e tla hotela.

¹⁸¹ Mme ha netefatso ya sebele, ya makgonthe ya Mangolo ya Molaetsa wa letsatsi lena la ho qetela e fihla, mme o bona Boteng ba Jesu Kreste, seo o utlwileng A se etsa bophelong ba Hae, mme o utlwa Mangolo a re "Esale Yena maobane, kajeno le ka ho sa feleng"; mme pejana feela maemo a Sodoma a hotetswa ke kgalefo ya Modimo, ho bona Jesu hara batho ba Hae, a bopilwe ka sebopinho sa nama, mme a etsa sona seo A se entseng. Kgele! E tlameha ho kgahlolela meya ya rona Kganyeng! E tlameha ho re etsetsa ntho e nngwe. Hobaneng? E tsholohela hodima ntho eo.

¹⁸² Le utlwile seo A se entseng Bibeleng, kamoo mosadi a ammeng seaparo sa Hae. A retoloha mme a mmolella bothata bo neng bo mo tshwere, mme tumelo ya hae ya mo phedisa. Jwale, O tshepisitse hore O tla boela a etsa hoo, pejana lefatshe le tjheswa, mme lefatshe le tla kena maemong a Sodoma. Testamente e Ntjha, Moporofeta, Modimo-Moporofeta, Moporofeta wa baporofeta, Modimo wa baporofeta bohole, bottlalo ba BoModimo nameng, Modimo wa... ho bonahatswa nameng, Mmopi, wa Genese. Alleluia! Ke Lentswe la Hae! O itse e tla etsahala! Mme re bona maemo a Sodoma, re bona

lefatshe le kene maemong ao, jwale re Mmona a theoha mme a etsa seo A itseng O tla se etsa. Jwale, re utlwile tsa Hae, jwale re a Mmona! “Ke utlwile tsa Hao ka ditsebe tsa ka, jwale ke O bona ka mahlo a ka.” Amen! “Ke Mmona ka mahlo a ka ka sebele.” E tshwanela ho ba hora e kakang! E tshwanela ho ba nako e kakang! Thasisetso ya Lentswe la Hae! Kamehla ha Lentswe le thasisetswa, ke Modimo o buang Lentsweng la Hae, a Itlhahisa hore o tle o kgone ho bona.

¹⁸³ Jwale, seotswanyana sa kgale sa seterata ke sena, o itihela aletareng, ka pela Jesu, mme se hlatswitse maoto a Hae ka e—ka dikeledi, mme—mme a phumula ka moriri wa hae. Modimo o ile a hlompha, O itse, “Hohle moo Evangedi ena e bolelwang teng, taba ena e ke e bolelwang ho mo hopola.” Hobaneng? Shebang kamoo a neng a silafetse kateng, empa ntho e nngwe ya kgahlola. A bona Lentswe la pallo, ho tswa Tshimong ya Edene, enwa, “Peo ya mosadi e tla kgoba hlooho ya noha.” O bone Messia ya tswetsweng ke morwetsana.

¹⁸⁴ O ne a utlwile hore O tla tswalwa ke morwetsana, empa ba utlwa hobane monna eo o lefatsheng. O utlwile hore ho na le rabbi e monyenyan, Moporofeta, ya fodisitseng bakudi. O dumetse seo! Mme ke enwa a theoha ka seterata, a tsamaya a potela, a qamaka jwalo. Mme a sheba mane mme a bona moketehadi oo o tswelapele. A kgukgunela moterong, mme a hlwedisa, mme ke Eo moo a neng a le teng. Ke Eo moo a neng a le teng! Ntho e nngwe ya re, “Ke Yena eo!” Le a bona, ke phetho tshusumetso a e hlokileng. Le bona se etsahetseng? O bone Lentswe la Modimo le entswe nama. O ne a utlwile ka tsebe ya hae, jwale o bone ka mahlo a hae.

¹⁸⁵ Jwale, e mong le e mong wa tseba hobane re tshwere tshepiso ya maemo a kereke, letsatsing la qetelo. Kereke, maemong a yona a jwale, e ke ke ya phetha melao ya Modimo, thomo e kgolo, e ke ke ya kgona ho bitsa Monyaduwa. Ke efe e ka kgonang? Mapentekosta? Ke tla re tjhe. Ha ho le e nngwe ya tsona. Ke lekgapetla le hodima koro. Ntho eo e ile ya tswa, e tshwana le koro hantle, empa koro e le siyo hodima yona. E a buleha, empa thollo yona e tswa ka hara ntho eo. Ba a hlophisa, ba ipolaya. Ke hona moo ba shwelang teng. Ke ditlhaka. Empa koro e fetile le mono, mme jwale e qala e ipopa ka sebopoho sa Monyaduwa. Tlhaku ya koro e wetseng mobung mehleng ya mengwaha e lefifi, e tlameha ho shwa.

¹⁸⁶ Monyefodi eo o kile a re, “Hobaneng Modimo o mohau, o phetlileng Lewatle le Lefubedu, a ka ema a dumella Bakreste bao ba batho ho jewa ke ditau, le ho tjhewa, le ntho ka nngwe? Ho itulela, ekare O a tsheha!” Lewatla la batho! Na ha a tsebe, “Ekare ha hlaku ya koro e sa wele mobung”? E ne e tlamilie ho shwa mehleng ya mengwaha eo e lefifi, jwaloka ha hlaku ka nngwe ya koro e tlameha ho kena tlasa lefatshe mme e

epelwe, ho hlahisa maqoba a mabedi ao a Luthere hlabollong ya ho qala, tlhaka. E ne e tlameha ho hlaha ho ma-Wesele, ka ntle koo, ho hlahisa pholene, ditjellane, mongwaha o moholo wa boromuwa. Ya lokela ho hlaha Pentekosta, bakeng sa kgutlisetso ya dineo, e ka thetsang le bona Bakgethwa. E tshwana le thollo ya koro; ako e bule, ha ho koro ya letho ka mono ho hang, ke lekgapetla feela. Empa motsheo ka mane, hape, ba ile ba qala ba bopa mokgatlo wa bonngwe, mokgatlo wa boraro, mokgatlo wa bobedi, le mokgatlo wa kereke ya Modimo, mme tsohle tsa hlophisa, mme hoo ke lefu hantle! Mme jwale ho etsahalang? Empa ke setshireletso sa koro, esale e hola kahara lona ka dinako tsohle.

¹⁸⁷ Jwale e qala e ikgula, koro e qala e bonwa. Wona hase mongwaha wa Pentekosta. Wona ke mongwaha wa letsatsi la morao. Wona ke mongwaha wa Monyaduwa. Lena ke Lesedi la mantsiboya. Mona ke mohla Malakia 4 a tshwanelang ho phethahatswa, ho sala moralo wa Modimo morao. Enwa ke Luka 17:30, ho phethahatsa. Enwa ke wa bobedi... Mme Jeremia, le bao bohle, bao Joele a buileng ka bona matsatsing ana, *lena* ke letsatsi leo. “Ke utlwile, Morena, mme E ne e tlamehile ho fihla, empa jwale ke E bona ka leihlo la ka.”

¹⁸⁸ Leha bongata... ho hlaha baipehi ba bakae ba bohata, Janese le Jambrese ka malepa wohle a bona ho etsisa sohle seo Moshe a se entseng, ha ya ka ya sisinya yena le Aarone ka letho. Ba tsebile moo... jwaleka Jobo, ba tsebile hore tshusumetso ya bona e tswa ho Mang. Ba tsebile hobane E ne e le HO RIALO MORENA! Mme yona Bibele e buileng ka bona, e itse, “Ba tla hlaha matsatsi a qetelo, baipehi.” Diphutheho tseo tsa borapedi, enereha ntho e qala... Ke mang ya qadileng pele? Moshe kapa bona? Hola ba qadile pele, ekabeba Moshe e ne e le e—e qhekanyetso.

¹⁸⁹ Jwale re fumana dinohe tsa mefuta yohle le ntho e nngwe le e nngwe e lekang ho faposa kelello ya lona nthong ya makgonthe ya Modimo, athe Modimo o e kgodistse ka Lengolo la Hae e le Nnete. “Re E utlwile ka ditsebe tsa rona, jwale re E bona ka leihlo la rona.” Amen! Le a E dumela? [Phutheho e re, “Amen.”—Mong.] Ka dipelo tsohle tsa rona! Tshusumetso! Mme ka letsatsi leo Mora motho a tla senolwa ka lona, Mora motho, Jesu Kreste ya bonahatswang hara batho ba Hae.

¹⁹⁰ Monna o kile a tsamaela mono ka pela Abrahama le sehlopha sa hae, eka monna wa tlwaelo feela, diaparo tsa hae di tletse lerole. O ne a furaletse tente, A re, “Sara mosadi wa hao o kae?” (e seng S-a-r-r-a, S-a-r-a-h; A-b-r-a-h-a-m, e seng A-b-r-a-m). A bitsa lebitso la hae, ho re, “O kae?”

¹⁹¹ Ho re, “O tenteng, ka mora Hao.”

¹⁹² Ho re, “Ke tla o etela ka nako ya bophelo” (mme a itshehela). Ho re, “O tshehetseng?” (uh-huh). Jwale, O tshepisitse. Batho bao e ne e le bona ba emetseng mora wa pallo.

¹⁹³ Jwale, ha ke tsotelle kamoo batho ba kahara diphutheho tsena tsa bodumedi ba itshwereng kateng, ho re ba “batla Kreste,” diketso tsa bona ha di ba pake jwalo. Ke hantle. Diketso tsa hao di bua ho feta mantswe a hao. Sohle seo ba se nahanang ke ho etsa maloko a phutheoho ya bodumedi, empa ho na le batho ba mmalwa, e mong *mona le mane*, ba shebeletseng ho tla ha Morena. Ba lebeletse ho . . . leha ho le jwalo. Ke bona feela bao A tlang ho Itsenolela bona, ke bona feela ba tlang ho utlwisia.

¹⁹⁴ Ke Bakgethwa feela ba utlisisitseng hore E ne e le Mang. Nahanang feela, ho batla ho ena le batho ba milione tse tharo, Bajuda, lefatsheng, ba tsebang hobane O ne a le teng ba ne ba sa etse karolo ya nngwe hodima tharo haese kamora hoba A fihle a be a tsamaye. Wa bona? Empa O Itshenoletse ba neng ba lebeletse: Johanne Mokolobetsi, le—le baapostola ba bitsitsweng ke Johanne, le jwalo-jwalo, le Anna wa sefov ka tempeleng, Simeone moprista ho re “o ne a senoletswe ke Moya o Halalelang hore o tla bona Kreste.” Baetapele ba baholo bao bohle ba moyo, baithuti ba thutamodimo le dintho, keha ba foufetse phoufalo!

¹⁹⁵ Pula e ka tsosa peo feela, haeba peo e se e le teng mono. Mme jwaleka ha o kile wa ba lefi pele ka ho ntatao, mme a sa o tsebe, empa o ne o le ka ho ntatao. Empa ka tshimo ya mme wa hao, wa na wa bonahatswa ka setshwano sa hae, yaba moo a ka qoqang le wena. Modimo, Modimo o Moholo; haeba o ena le Bophelo Bosafeleng, lefi la Bophelo Bosafeleng le ne le le ka ho Modimo tshimolohong. Mme o ne o le teng, o ne o le mohopolong wa Hae, lebitso la hao le dintho tsohle. Mme Yena, ka boitsebelopele, ao tlotsetsa ho bona taba Ena. Mme lona ba sa kang ba tlotswa, le ke ke la E bona le ka mohla. Empa, hopolang, ka Lebitso la Morena Jesu, “Hora e fihlile!” Na o ke ke wa dumela ho Yena? Ho Mo neela maphelo a lona. Ke tlameha ho kgaotsa, nako e fetile.

Ha re inamiseng dihlooho tsa rona.

¹⁹⁶ “Ke utlwile, Morena, tsa Hao, jwale ke a O bona!” Morena Jesu, hlohonolofatsa batho bana ba sa lebeletse.

¹⁹⁷ Jwale ke tliro le botsa potso. Ke tliro dumella Moya o Halalelang (ke tshepa A tla etsa jwalo) ho lekola mehopolo ya rona, ho le leka, ho leka moyo wa lona, le ho bona hore o hlile o a dumela na. Mme ha o fumana pelaelonyana mono, na o ka phahamisa letsoho la hao? Ho re, “Morena Jesu, e re ke O bone. Ke utlwetse tsa Hao, ke mpa ke hlile ke eso O bone ka nnete. Ntumelle ho O bona, ke tla dumela.” Ho lokile. Ke hantle.

¹⁹⁸ Na ho na le ba sa Mo tsebeng jwaleka Mopholosi wa lona mona? Phamisa letsoho la hao, ho re, “Haeba . . . ke—ke moetsadibe, empa ha nka . . . ha O—ha O ka ntumella feela ho O bona, Morena Jesu, ho bonahatsa Lentswe lena leo ba buang ka lona. Ke a tseba hore ke kamoo Jobo a O boneng kateng. Ke a tseba hore ke kamoo Abrahama a O boneng kateng. Ke a tseba

hore ke kamoo bao bohle ba O boneng kateng, kahobane e ne e le netefatso ya Lentswe la Hao la pallo. Ke utlwile ka dintho tsa mefuta yohle, le malepa, le ntho e nngwe le e nngwe, empa ke utlwisisa hore ho na le Molaetsa wa letsatsi la ho qetela naheng, o nong o bolelwe ke Lengeloi hodima noka, ka 1933. Ke utlwetse ka ditshebeletso tsa phodiso tse tswelang pele, mme ke a tseba hore ha seo se etsahala, se ke ke sa dula hara mafome a kgale a phutheho ya bodumedi.” Ha se a romellwa hoo, ha se eso dule mono le ka mohla. [Sekgeo lebanteng—Mong.] . . . ? . . .

¹⁹⁹ Hola Moshe a tla, a ntse a re, “Ha re haheng areka jwaloka Nohe, re sesiseng re theosa ka noka re tswa Egepeta”? Oh, tjhe. Le a bona? Tjhe! O ne a tshwere Molaetsa o tswang ho Modimo, e ne e le ponahatso. Moporofeta eo ya hlahang temeng, o ne a tlamehile a be a paketse Iseraele hona moo. Ba ne ba hlokile moporofeta ka dilemo tse makgolo a mane, ba hlokile moporofeta, mme ke mona moporofeta o hlaha temeng. Ba ne ba tlamehile ho tseba hore ntho e nngwe e ne e le mothating wa ho etsahala.

²⁰⁰ Hape Iseraele e ne e hlokile moporofeta ka dilemo tse makgolo a mane, mme Jesu ke enwa a fihla temeng. Mme mosadi sedibeng, a re, “Monghadi, ke elellwa hobane O moporofeta. Jwale, re hlokile e mong ka dilemo tse makgolo a mane.” Hobane, O tsebile se neng se dutse pelong ya hae. Wa bona?

²⁰¹ Jwale, re tshepiswa mongwaha wa kereke ka bahlabolli, mme re bile le bona. Empa O tshepisitse, ho Malakia 4, hore matsatsing a qetelo O tla baballa moralo wa Hae, se neng se tla etshala, “Ho busetsa dipelo tsa bana morao Tumelong ya bontate ba baapostola.” Ka morero wona oo! Mme kereke e pshatlehetse phuthehong tsa bodumedi le mekga, e kgaohile dikoto hofihlela e shwele; haesale e le pelesa. Mme yaba O a tshepisa, horeng ya Molaetsa wa lengeloi la bosupa, Ditiiso tse Supileng di tla senolwa; mme diphiri tsa Modimo di tsebahatswe (Tshenolo 10) mohla lengeloi la bosupa le qalang le utlwahatsa Molaetsa wa lona, e seng tshebeletso ya phodiso, Molaetsa o hlahlamang tshebeletso ya phodiso.

²⁰² Jesu e ne e le “thaka le leholo” ha feela A ne a ka fodisa bakudi. Empa O itse mohla, “Nna le Ntate wa Ka re Bang.”

²⁰³ “Huh-uh! E ne e le phoso!”

²⁰⁴ Jobo o ne a le “moholo,” hofihlela ntho e mo hlahela. Wa bona? Ho jwalo kamehla.

²⁰⁵ Dumela! Na le tla Mo amohela jwale? Phahamisa letsoho la hao, e re, “Ke hlile ke a Mo dumela. Ke batla ho Mo amohela.” Modimo a o hlohonolofatse. Modimo a o hlohonolofatse. Ke hantle.

Jwale dulang le kgutsitse mme le rapele nakwana feela.

²⁰⁶ Modimo o ratehang, nakwaneng ena e mahlonoko, tsatsi le leng mohla seaduma se phailang kannete e tla be e le nako

e kang ena, mme Mora Modimo o tla theoha mahodimong ka mohoo, ka lenseswe la Arekangeloi, le ka terompeta ya Modimo, mme ba shwetseng ho Kreste ba tla tsoha. Mme e mong le e mong wa rona o a tseba mme o a eellwa bosiung bona, Ntate, hore re tla tlameha ho arabela lenseswe ka leng leo re le ntshang, le lenseswe ka leng leo re le buang. Ekasitana le menahano e ka dipelong tsa rona, re tlilo e arabela. Ke a O rapela, Modimo, ka Lebitso la Jesu, hore O tle o hlwekise pelo e nngwe le e nngwe e ka mona. Hlwekisa pelo ya ka, hlwekisa dipelo tsa batho bana. Mme re ke re itokise, Morena, mme mahlo a rona a moya a tutubollwe ho bona Kganya ya Modimo o Matlawohle bosiung bona. Re utlwile tsa Hae, oho, Ntate, Modimo, re O rapela ho re dumella ho Mmona. Aba sena, Ntate. Aba mahlohonolo ana, ke a rapela, ka Lebitso la Jesu Kreste. Amen.

²⁰⁷ Hopolang: Ka pelong ya hao, moo o dutseng teng, iketsetse aletare e nyenyane. Ho re, “Morena Jesu, kena pelong ya ka jwale. Mphe ho hong ho... seo nka itshwarellang ka sona. Ere ke utlwile tshusumetso e mpolellang hore O ‘teng.’”

²⁰⁸ Jwale, ke tlahiso e kakang e etsetswang batho! Ke ntho e—e kakang ho etswa! Jwale ke tlilo kopa Morena Modimo, ho kopa...

²⁰⁹ Ba bakae ba lona ba nkang diteipi? Le utlwetswe ka: *Ke Nako Efe, Benghadi?* Na re hlahisa dimakasine tseo le dintho, selemo pele e etsahala? Mahlale a idibantswe ke yona. Morena Jesu e ne e le eo a rwestswa mme a rwetse wiki e tshweu jwalokaha le mmona Bibeleng, ho Tshenolo 1, le Daniele, Moahlodi e Moholo wa Lehodimo le lefatshe. Hantle mono, hodima mahlale ka bowona a sa E bone ho hang. Mme hlahllobong, ntle kwana Unibesithing ya Arizona le tlase Mexico, ba sa ntse ba hlahloba, haesale ba etsa jwalo dilemong tse pedi tse fetilng. Mme ke eo le boleletswe, hore e ne e “tlal etsahala,” pele.

²¹⁰ Ho thweng ka thothomelo ya Alaska? Shebang Hollywood ha e hohломela lewatleng! Shebang le bone hore ha e etse jwalo na. Ha A eso mpolelle phoso le jwale, e tlilo etswa. Le a bona? Mme shebang feela mme le bone na ha re phele dihoren tsa ho qetela tsa histori. Ha ho motho ya tsebang hora eo A tla tla ka yona. Empa ke tseba ntho e le nngwe: ke dumela, maemong a ka a jwale, haeba kelello ya ka e tsepame, mme hola ke se Mokreste, ruri ke ne ke batla ho ba Mokreste wa nnete ya dumelang Bibe, e seng phutheho ya bodumedi. O se ke wa itshetleha ka hobane o howeeditse. Re utlwile ntho eo hoseng hona, re e pakile ka Lentswe la Modimo; e fapohile thato ya Modimo ka bottlalo, ha ya etsa letho haese ho hlahisa lefu. O se ke wa dula ka hara tlhaka, e ba ka hara Bophelo. Wa bona? Eba le tumelo ho Modimo.

²¹¹ Wa dumela hobane Modimo o entseng tshepiso ena, o hlahleng ka Bowona, Bukeng ya Genese, mme wa hlahlala Abraham mme wa etsa mohlolo oo... Modimo oo o ile wa

etswa nama, nama ya motho, ho tswalwa ke morwetsana. Mono e ne e le theofani [mmele wa bomodimo—Moft.], ehlide, empa yareha A fihla ka nama ya motho mme e le monna yena eo, mme a etsa tsona dintho tseo, . . . Kana ha le dumele hore haeba Modimo a ka nka motho, e leng seo A tshepisitseng ho se etsa ho latela Malakia 4, kanale eo A ka buang ka yona, O tla etsa yona ntho A itseng O tla e etsa mono? Na le dumela seo? Ke dumela A tla boela a e etsa, hape.

²¹² Na o dumela o ka ba le tumelo ho ama seaparo sa Hae, tumelo ya Hae ho ama seaparo? Na o dumela hona jwale ntho e bua le pelo ya hao e ka o jwetsang o ena le tumelo ya ho ama seaparo sa Hae? O dumela hobane o ka etsa jwalo? Ako nanabele mme o ame ka tumelo ya hao, e seng ka sisimoho, feela ka tumelo e hlwekileng ka nnete, e sa silafatswa. E re feela, “Morena, ke a dumela. Ke dumela ka pelo yohle ya ka. Ke batla hore O nkame hobane ke—ke utlwile hore O e entse, jwale ke batla ho e bona ka mahlo a ka.”

²¹³ Mme nke ke ka o ama. Ho nka Modimo ho ama. Wa dumela O tla e etsa? [Phutheho e re, “Amen.”—Mong.]

²¹⁴ Ke shebile hantle letsohong la ka le letshehadi mona. Kanale e bonahala e le teng, jwalo, jwalokaha ke boletse, e hulela ka nqa yane. Kaha ke ile ka lebisa nqa eo, jwale e tla e babatseha. Ke mofumahadi ya dutseng le monna wa hae mono. Ha a tswe mona. O tswa Texas, Dallas. O a kula, le monna wa hae o a kula. O jewa ke bothata, o entswe oporeishene. Ke hantle. Monna wa hae o jewake ntho mokokotlong wa hae, pabo ya mokokotlo. Mongh. le Mof. Corbet, ho tswa Texas; Dallas, Texas. Ha ho le jwalo, phahamisa letsoho la hao. Ke motho osele ho wena. Na ke nnete? Ha ho mokgwa lefatsheng ho nna ho tseba seo. Ke eng? “Ke utlwile tsa Hao ka tsebe, jwale ke a O bona.” Le bona seo ke se bolelang? Jwale botsang bobedi boo. Ha ke eso ba bone bophelong ba ka. “Ke utlwile tsa Hao ka tsebe, jwale ke O bona ka leihlo la ka.”

²¹⁵ Ha o ka dumela, Modimo a o baballele seo o se hlokang.

²¹⁶ Monna eo ya dutseng mono a phahamiseditse letsoho la hae seledung sa hae, ka kgatello e hodimo eo ya madi. O dumela Modimo a tla o phekola, monghadi? O etsa jwalo? O dutse ka letsoho la hao *tjena*, o dumela Modimo a tla o fodisa kgatello e hodimo eo ya madi? Phahamisa letsoho la hao, haeba o E dumela. Ho lokile, O a e etsa. Ha ke eso bone monna bophelong ba ka, ha ke tsebe letho ka yena. Empa o utlwile Jesu a bua, mona Bibeleng, hore O tla etsa dintho tsena, jwale o a e bona! Le bona seo ke se bolelang? “Ha o dumela, tsohle di ka etswa.” Ho bao ba dumelang feela! Ho nka tumelo ya nnete, ya makgonthe ho e etsa. Empa ha o ka E dumela, Modimo o tla e etsa.

²¹⁷ Ho na le mofumahadi ya dutseng morao mono, ya ntjhebileng, o na le kotolana mmetsong wa hae.

²¹⁸ Mofumahadi ya dutseng haufi, o dutse pela hae, o tla utlwisia seo, mofumahadi o na le kgatello e hodimo ya madi, hape. Ke hantle.

²¹⁹ Mofumahadi ya dutseng haufi le yena, o na le e—e bothata, le yena. Mme ha a tswe mona, o tswa Arkansas. Ba e fosa. Mofn. Phillips, dumela ho Morena Jesu Kreste mme o fole! O a Mo dumela na? Ka pelo yohle ya hao? O a E amohela? Hantle. O ka e fumana he.

Jwale o re, “Hoo ho a makatsa.” Tjhe! Tjhe!

²²⁰ Jesu o itse, “Lebitso la hao o Simone, o mora Jonase.” Na ho jwalo?

²²¹ “Ke utlwile tsa Hao ka tsebe ya ka, jwale ke O bona ka leihlo la ka.” Jwale na ha le bone se hlahileng? Motho e mong ya dutseng mono, a shebile, a dumela, a tshepile, mme hang ke eo e etsahala. Le a bona?

²²² O ikutlwa monate, mora, bosiusing bona, ho feta maobane bosiu? Wena ya dutseng fatshe? Ho itoketse jwale, o tlilo itokela (uh-huh). O ne a dutse mona maobane bosiu, a batolaka hlooho ya hae le ntho e nngwe le e nngwe; jwale, bosiusing bona, ke monna ya itshwereng. Le a bona? O ne a batla a ferekantswe ke dintho, empa jwale e rarolotswe. Wa bona? Ho tla itokela. Wa bona? “Mme mohlang oo, Mora motho o tla senolwa, le a bona, pejana Sodoma a tjheswa.”

²²³ “Ke utlwile tsa Hao ka tsebe ya ka, jwale ke O bona ka leihlo la ka. Ke utlwile Jesu Kreste a re O e tshepisitse, ke bona tshepiso eo e phela hona jwale.” Wa bona? “Ke utlwile tsa Hao ka tsebe ya ka, jwale ke Mmona ka leihlo la ka.” Ke ba bakae ba dumelang Hoo e le Yena? (Oho Modimo!)

²²⁴ Jwale, e re re sa le mona . . . nako e a tsamaya. Hosane bosiu re tlilo tshwara tshebeletso e kgolo ya phodiso. Nna le Moena Moore re lebeletse ho ema mona re rapella e mong le e mong ya batlang ho feta moleng. Empa ke hopola hobane ka ho bua sena bosiusing bona, ke ne ke tla memela aletare. Empa yaba ke a nahana, “tjhe” E boletse mono, “Ke utlwile tsa Hao ka tsebe, jwale ke batla ho O bona ka leihlo la ka.” Jwale O teng mona. Na le dumela seo?

²²⁵ Jwale ha re beaneng matsoho hodimo. Jwale, hopolang, Yena ya tshepisitseng hobane O tla etsa *sena*, ho re, “Mehlolo e tla tsamaya le ba dumelang.” Na O E buile? Na o modumedi? E reng, “Amen.” Be, ka hona, wona Modimo o tshepisitseng sena seo le Mmonang a se etsa jwale, . . . Botsang mang le mang feela hara batho bao, ha ke eso ba bone, ha ke tsebe letho ka bona. Le jwale nke ke ka ba tseba, wa bona, ke taba e ka ntshitang. Empa Lenglo leo le tshwanela ho phetheteha! Be, haeba hoo ho phethahetse, e supa hobane re mehleng ya morao, re tla tseba hobane Mora motho o itokiseditse ho ba . . . ho tla, hobane O Itshenola kahara nama ya motho. Na e nepahetse?

²²⁶ Ka hona re a tseba hore ke nnete, mme o ipolela o le modumedi ho Yena, mme le beane matsoho hodimo. Mme haeba le beane matsoho a lona hodimo, yena Mora Modimo ya leng mona ho netefaletsa mahlo a lona *sena*, yena Mora eo o teng mona ho re, ‘Ba tla fola!’ Yena Mora wa Modimo! ‘Ke utlwile hoba O itse, ‘Ekare ha badumedi ba beana matsoho, ba tla fola.’ Ke e utlwile ka ditsebe tsa ka, jwale ha nke ke e bone ka mahlo a ka. O tshepisitse ho etsa sena.”

Jwale e re ke sa rapela, le lona le rapele.

²²⁷ Morena Jesu, ka Lebitso la Morena Modimo wa Lehodimo, Moya wa Hao o ke o tsholohele dipeleng tsa batho bana; tumelo eo ya makgonthe ya Modimo, e tlang ho thassisetsa tshepiso ena ho bona. Mme Modimo wa Lehodimo a fodise e mong le e mong wa bona, ba sa ntse ba ikokobeletsa melao ya Hao ka ho beana matsoho hodimo. Ho ke ho be jwalo, Morena. Ka Lebitso la Jesu Kreste, etsa hore ho be jwalo, tlottlisong ya Hao.

²²⁸ Jwale, na le dumela hobane le tla fumana seo le se kopileng? Ana ntho e o jwetsa jwalo pelong ya hao? Na o utlwa thojana ya susumetso, ho thwe, “Kgele, ho fedile! E phethehile!”?

²²⁹ Molao wa Modimo o boletse hobane re tla e utlwa ka tsebe ya rona, jwale re ka e bona ka leihlo la rona. Jobo o itse, “Ke utlwile tsa Hao ka kutlo ya tsebe, empa jwale ke O bona ka mahlo a ka.”

²³⁰ Jwale, le e utlwile ka Lentswe, ka kutlo ya Lentswe, “Tumelo e tla ka kutlo, ho utlwa Lentswe.” Jwale le E bona e nka kgato, ka mahlo a lona! Jwale, yena Modimo ya boletseng seo, mohla dintho tsena di tla hlaha, ho re, “badumedi ba ntho Ena ba tla bea matsoho a bona hodima bakudi mme ba tla fola.” Jwale na e rothetse pelong ya hao hore o “fodile”? Phahamisa letsoho la hao haeba ho le jwalo. Amen! Ke yona phodiso ya makgonthe ya boapostola. Le hlile le tiile ka yona? Le e dumela ka pelo yohle ya lona? Alleluia! Ke phetho seo re se hlokang.

Ha re emeng ka maoto a rona mme re Mo roriseng, he.

²³¹ Ke a O leboha, Morena Jesu. Ho bokwe Lebitso la Morena.

Ke tla Mo rorisa! Ke tla Mo rorisa!
Rorisang Konyan’e hlabetsweng ba’dibe;
Mo tlottliseng, lona batho bohle,
Hoba Madi a Hae a hlatswitse kodi ka nngwe.

²³² Jwale, na le a Mo rata? Jwale rona, mmoho, ha re Mo tlottliseng, lona batho bohle. Jwale, shebang, haeba Modimo a o senoletse yona, kahara kanale eo o pholositsweng ho yona, yona kanale e o boleletseng ho re “o bolokehile,” yona kanale eo Modimo a haotseng hara yona, jwaleka ha A entse ho Jobo le ho baporofeta, O haotse ka ho wena ka kanale eo jwaleka Mokreste, ka tshenolo ya Hae e Kgethehileng ho re “o fodile,” ke moo ho seng letho le ka e thibelang ho etsahala.

Ka hona Mo tlotseng, lona batho bohole,
 Hoba Madi a Hae a hlatswitse sohle...
 (Pelaelo ka nngwe; a hlatswitse pelaelo ka
 nngwe.)

Ke tla Mo rorisa! Ke tla Mo rorisa!

Rorisang Konyan'e hlabetsweng ba'dibe;
 Mo tlotseng, loba batho bohole,
 Hoba Madi a Hae a hlatswitse kodi ka nngwe.

²³³ Oh, ha le Mo rate na? Ah, ho a babatseha. “Ke utlwile tsa Hao, Morena, ka tsebe ya ka, mme tumelo e tla ka kutlo; empa jwale ke a O bona, Modimo O Itsebisa hara batho ba Wona, jwaleka ha A entse ho Abrahama, ka tshepiso ya Hae mono hore Mora motho o tla Itsheola matsatsing ao lefatshe le tla be le kene maemong a Sodoma.”

²³⁴ Mme ho ne ho tswe baromuwa ba bararo, ba theoha Lehodimong.

²³⁵ Mme tlase Sodoma e le sehlopha sa phutheho ya bodumedi, mme Billy Graham le Oral Roberts ba theohela mono. Mme hopolang jwaleka ha ke le boleletse, ha ho sebaka nalaneng ya kereke moo ho kileng ha hlaha moromuwa ya rongwang kerekeng e ka lefatsheng lohle, hofihlela jwale, lebitso la hae le qetella jwaleka Abrahama, h-a-m, G-r-a-h-a-m, ditlhaku tse tsheletseng, ho lefatshe, palo ya motho.

²³⁶ Empa lebitso la Abrahama le ne le ena le ditlhaku tse supileng, palo e tletseng le e phethahetseng ya Modimo. Wa bona?

²³⁷ Mme le hlokomele seo barongwa ba ileng teng ba se entseng: ba boletse Lentswe, ba ba bitsa, ba ba bolella ho baka.

²³⁸ Empa Ya setseng le Abrahama, le a bona, o entse mohlolo ka ho bolella Abrahama seo Sarah a neng a se etsa mme a se nahanne ka tenteng ka Mora Hae. Mme Jesu, e leng Yena ya neng a le kahara motho enwa, o itse, “Mohla lefatshe le kenang maemong a Sodoma, jwaleka mohlang oo, Mora motho o tla boela a senolwa.” Mme Mangolo whole a e paka jwalo. Yona... “Tshimolohong e ne e le” [Phutheho e re, “Lentswe,” — Mong.] “mme Lentswe le ne le le ho” [“Modimo,”] “mme Lentswe e ne e le” [“Modimo.”] “Mme Lentswe la etswa nama mme la aha hara rona.” Na ho jwalo? Jwale re bona lona Lentswe leo la pallo, la Luka, la Malakia, ditshepiso tsena tsohle ho tloha kajeno, di etswa nama, di aha hara rona, hore re utlwile ka ditsebe tsa rona; jwale re Mmona (ka mahlo a rona) a toloka Lentswe la Hae ka Sebele, ha re hloke boitthalosetso ba motho. Oho wena kereke ya Modimo o phelang, mona le mehaleng! Tsoha ka potlako, nako eso fete! Modimo a le hlohonolofatse.

Ke a Mo rata, ke a Mo rata
 Hoba A nthatile pele,
 Mme O lefeletse pholoho ya ka
 Fateng sa Kalvari.

²³⁹ Na le ka nahana, kereke, hore o shebile ka mahlo a hao ka sebele... Lentswe le phelang la Modimo le a bonahatswa, tshepiso ya hora, matsatsing a qetelo, ho sheba Lentswe le Phelang le tolokwa ka mokgwa wa tlhaho, Modimo hara rona! “Ke Mmona ka mahlo a ka ka sebele, eo Ya... Ke utlwile hobane O tla e etsa.” Bahale bohle ba kgale esale ba lebeletse letsatsi lena, jwale re E bona e bonahatswa ka leihilo la rona. Ke Mamethodise a makae a howeletsang, Mabaptise, le mapentekosta makgonthe, a sebele a mongwaha wona, esale ba lebeletse ho bona sena se etsahala! Bongata ba bona bo tsebile hobane e tla etsahala. Empa bosiung bona re eme re e bona e etsahala! Oh! Ha le Mo rate na?

²⁴⁰ Jwale, Jesu o boletse, “Batho bohle ba tla tseba hore le barutuwa ba Ka, ha le ratana.” Ereka ha re Mo rata, ha re tsukutlaneng ka matsoho mme re bineng *Ke Tla Mo rorisa!* *Ke Tla Mo rorisa!* Ke hantle.

Ke tla Mo rorisa! Ke tla Mo rorisa!
 Oho rorisang Konyan'e hlabetsweng ba'dibe;
 Mo tlotliseng, bohle... (O etsa
 jwang?)... batho
 Hoba Madi a Hae a hlatswitse kodi ka nngwe.

²⁴¹ Mofumahadi wa Beltsatsare o itseng ka pela morena bosiung boo? “Monna ya ka qhaqhollang mehopolo o teng mmusong wa hao.” Mme Moya o Halalelang, bosiung bona, ke moqhaqhollu wa dipelaelo! Le dumela seo? [Moena Branham o bua le motho e mong—Mong.] Moqhaqhollu wa dipelaelo! Jwale, Madi a Kreste a tlosa kodi ka nngwe, kodi ya pelaelo. Ha ho sebe se fetang ho se dumele lefatsheng, “Hobane ya sa dumeleng, o se a ahlotswa!” Na ke nnete? “Ya sa dumeleng o se a ahlotswa.” Ho na le sebe se le sang feela, mme ke ho se dumele. Ho tsuba hase sebe, ho rohakana hase sebe, ho feba hase sebe, ho bua leshan hase sebe; hase se sebe, ke ditholwana tsa ho se dumele. Ho se dumele! O e etsa kahobane o sa dumele. Ha o E dumela, ha o etse hoo.

²⁴² Oh! Oh! Eng... Ho a babatseha! Mme Madi a Konyana a hlatswitse pelaelo ka nngwe. Re dumela Lentswe la Hae, ka mannete. Re dumela hobane Lentswe le etswa nama ka netefatso ya Boteng ba Hae jwale ho kgodisa Lentswe la Hae. Le a e dumela na? Modimo a le hlohonolafatse.

²⁴³ Re tshepile ho boela re le bona mona hoseng, nakong e kgolo Moreneng. Inamisang dihlooho tsa lona jwale, mme ke fetisetra tshebeletso ho Moena Lindsay.



KE UTLWILE EMPA JWALE KE A BONA SST65-1127E

(I Have Heard But Now I See)

Molaetsa wona, ka Moena William Marrion Branham, o rerilwe sethatong ka Senyesemane mantsiboya a Moqebelo, Pudungwana 27, 1965, Tabernakeleng ya Life e Shreveport, Louisiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2008 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org